

孝漢五志





季漢五志 全八冊

清·王復禮撰

江蘇廣陵古籍刻印社出版

揚州古籍書店發行

定價一百二十元

季漢五志卷之十

錢塘王復禮艸堂纂輯

藝文

弔關侯故居賦

有序

明

許讚

義理也。勇氣也。義非勇力不足以濟事。勇非義見不足以徹理。義以作勇。勇以濟義。故豫讓之義勇或不。足。仲由之勇義或未當。故漢壽亭侯古今稱其義勇。至宋加王號。尊信畏敬王者。無間於遠近。無間於古今。無間於夸夏。侯何以得此於人哉。蓋忠義英勇之性。本之天植。雖萬屈而不同者也。讚昔年督學至解。

侯之故居在焉。作賦弔之。其辭曰。

惟蒲解之陽宇兮。重華之故甸。大河騰涌以東沛兮。
條山輻輳而延綿。氣雄俊以博大兮。碩人所由生。繫
漢季之鼎沸兮。羣魁割據而土崩。嗟神器之倒持兮。
人心渙亂而散分。卓布驚悖其難馭兮。操權肆其梟
雄。侯仗義以從元德兮。屹乎見之有定。雖下邳之暫
違兮。初心耿其不爽。賈餘勇以誅顏良兮。懼彼萬衆。
遺府庫以云報德兮。遂慷慨而還。憶污水之相值兮。
基大業於荆南。捷樊口而躡奔命兮。洵多侯之勇進。
麾義旗於湖南兮。四郡其底安。鼓六軍於樊城兮。禁

繫而德失領。覩炎光重。煽於華夏兮。維侯之威震。維
魏吳困躓而縮伏兮。陰構之怨洵天意之有在兮。又
何恚芳暨士仁之無終。雖大功之未竟兮。而大義愈
隆。餘千載以迄今日兮。人心宛其嚮敬。散畿甸以至
要荒兮。侯之祠實繁。匪獨昭揭於祀典兮。夸狄亦下
拜而免冠。羗義勇通貫於天地兮。並嶽瀆而常存。繫
春秋正法制以明王道兮。侯嘗究心於簡篇。洵聞見
之精確兮。故奮發英邁而無先。如金百鍊而愈澤兮。
如水萬折而東宗。噫。解梁之故里兮。啓侯之宮。伐辛
夸以爲棟兮。斲木蘭以爲門。采首陽之薇以薦兮。酌

崑崙之泉以爲樽。錫佳貺兮侈禮文。端冕旒兮王度。
尊。鬱蒼龍與白虎兮。虹霓爲旂呼豐隆。以前逝兮胥。
太乙而周旋。英靈陟降上下兮。叩旬始以陳言。赴重。
華暨文命之居兮。謂世情嫉善而蔽賢。清塵埽於九。
有兮。蚩尤就戮於虞川。維繫紆以植良兮。雖萬世其。
昭彰。侯義勇其炳炳兮。漢業尚猶其未泯。逾河逡巡。
百里兮。歸然龍逢之丘園。披黃圖諫桀以死兮。侯想。
其後。昆羌一氣之流行兮。令德世世而有聞。余橫涕。
以致辭兮。歌楚些之再三。維皇天之無私兮。人心胡。
其有偏。謂綱常如日月中天兮。重嘆息於古風。

弔關侯墓賦

明俞誥

繫君侯材力之壯兮。亘古今之無雙。惟氣節之炳烺。兮。杲秋陽而凜晨霜。突萬乘以刺顏良兮。恍雷霆翁張之靡量。咄老瞞之奸雄兮。猶服義俾歸於蜀邦。宛矯矯之臥龍兮。亦詡其絕倫逸羣之莫當。及夫攻曹仁於樊城兮。于禁儵焉以就降。威聲震於華夏兮。魏將徙都以避鎡。何天之不助順兮。致逆豎之披猖。雖大業悵未成兮。歿則植千古之綱常。嗚呼噫嘻。余心盡傷。欲俾君侯生於逐鹿之秋兮。必能儕三傑而與同行。彼暗啞訖叱之強項兮。量能齊驅而抗衡。矧生

平執義弗爽兮。詎底爲不軌之韓彭。或俾君侯生於
殘莽之世兮。確乎冠雲臺而光中興。曷其炎劉之弗
競兮。適海宇以分崩。每興念於衷腸兮。徒哽咽而懷
忠良。側聞英烈冠當代兮。稟清淑於陰陽。故性之所
有。必當殫於厥躬兮。若功之成。否則亦懸乎彼蒼生。
苟。嗇。其。福。慶。兮。卒。亦。流。萬。古。之。餘。芳。觀。君。侯。血。食。永
享兮。諒茲理之昭彰。森祠宇而偉儀容兮。靡所在而
弗相。睠當陽雖蕞爾其區兮。蔚于埋玉之岡。生民奠
居歲屢豐穰兮。灼可徵君侯之貺。蹇迂拙之鯁生兮。
恒傾嚮而致恭。愧綿力弗克表章兮。實夢寐之弗忘。

月蠲吉而辰孔良兮。羞菲祀之馨香。爰稽首以酌椒
漿兮。歛雲馭以來翔。辭曰洋洋厥聲兮。濯濯厥靈。豈
璀璨爲三辰光兮。抑凝注爲名山矢。江其果驅風鞭
霆徜徉大荒兮。胡不出輔於吾皇。而措天下於乂康。
亶帝命之嚴。弗可以方兮。尚冀褫紆魄俾昏茫以退
藏兮。啟忠貞奮揚以躋躋。庶國孟永弗萌兮。而運祚
之遐昌。關志作
歌非

送錢方立遊荆楚歌

宋 鄧光薦

君是吳越國王幾葉之曾元。去行曹劉孫氏百戰之
山川。山川蕭條風景異。塵沙落葉號寒蟬。我歌送君

悲滿臆。歌聲欲咽。且復吞。堂堂雲長氣。蓋世少假數。
月無中原。漢灰欲冷。寧非天。孔明公瑾皆無年。君行
爲我弔其廟。薦以秋菊澆寒泉。伯以國殤古栢與東
坡。赤壁之遺編。紛紛餘子何足數。更向鹿門求老仙。

謁漢壽亭侯廟歌

有序

明 胡應麟

侯義烈英靈。炳蔚萬古。獨生平大節。陳壽寥寥數簡。
缺畧未詳。且筆削之正。創始紫陽。前此卽名世鉅儒。
猶繫統曹魏。則侯之效命先主。談者率以爲盡心所
事而已。其於翊衛炎精。恢復漢室之義。槩乎未之有
明也。至東吳諸人。乘時寇賊。跨割江表。傳之子孫。實

漢。蠡。賊。烏。林。之。役。先。主。奮。身。矢。石。以。啟。全。荆。而。權。百。
計。兵。爭。必。瓜。分。而。後。已。侯。睥。睨。其。人。曾。斗。筲。弗。若。而。
肯。俯。與。婚。乎。蓋。侯。之。絕。婚。孫。吳。卽。其。辭。爵。曹。魏。方。寸。
昭。昭。揭。於。天。日。迺。後。人。蒙。憤。動。以。侯。躁。忽。寡。謀。何。也。
荆。州。之。失。王。元。美。以。委。侯。角。魏。其。失。當。蔽。之。先。主。余。
則。以。孫。氏。三。世。江。東。民。暇。卒。練。赤。壁。長。驅。中。原。震。動。
而。周。瑜。敵。全。吳。之。甲。曾。不。能。乘。鋒。卷。銳。恢。江。北。之。彈。
丸。比。權。親。率。大。衆。朝。食。合。肥。張。遼。以。偏。師。一。擊。隻。輪。
靡。返。則。之。舉。襄。圍。樊。淹。七。軍。而。震。華。夏。允。謂。百。代。
之。殊。勲。三。分。之。上。畧。也。當。其。時。吳。一。軍。向。徐。沛。蜀。一。

軍出秦川。努力犄角。則中原之復。侯一人負荷有餘。
武。武。武。漢。仁。欲。復。留。操。欲。遷。復。止。若。蒙。若。遜。爲。
鬼。九。賊。盛。世。之。代。毀。於。垂。成。漢。事。無。復。可。爲。不。待。武。
鄉。之。沒。而。後。定。矣。然。則。侯。之。存。亡。匪。侯。一。身。漢。四。百。
載。存。亡。實。侯。焉。係。而。決。於。蒙。也。長。江。全。據。之。一。言。此。
。此。爲。咨。嗟。掩。卷。太。息。痛。恨。於。吳。寇。者。也。今。侯。精。爽。
。赫。赫。昭。昭。假。萬。方。迴。視。東。吳。諸。人。奚。啻。犬。鼠。後。世。習。論。
。成。敗。於。侯。正。氣。偉。績。或。多。弗。登。余。故。稍。撫。其。時。事。繫。
。以。詩。歌。俾。尚。論。之。士。有。所。據。以。折。衷。焉。
。苾。碣。天。開。九。州。牧。白。水。中。興。符。赤。代。炎。精。四。百。運。數。

終海內。瓜分魏吳蜀。巍巍壯繆。起解梁。精忠大義。扶
三光。南權北操。兩巨猾。侯也。睥睨如蝮蟾。憶破袁軍。
訪昭烈。十萬貔貅。膽中裂。飛身立取。上將頭。擲向曹。
瞞。血猶熱。荊州坐鎮。推元戎。恢圖漢室。除奸雄。舉襄
圍。樊勢破竹。七軍電掃。如秋蓬。禁俘德。戡獵狐兔。大
澤鯨鱷。莽回互。天崩地坼。華夏驚六合。幾還漢時故。
自許以南。邈受盟。壺漿篋食。後湯征。笑殺曹瞞。挾漢
帝。遷都無策。迴鋒稜。苦恨東吳衆。蝨賊割據。河山騁
詐力。陰謀秘計。日夜萌。舉國昏昏。效鬼蜮。賊蒙詭疾。
遜嗣興。甘言蜜餌。藏戈兵。侯也。胸懷豁雲夢。那知故

穴潛分崩。樊圍不沒。僅三版。赤手荆州。竟徒返。麥城
困守臨沮。悲今古英雄。遞扼腕。侯亾逾月。蒙亦亡。流
芳遺臭。垂青緇。漢統興衰。實侯繫。蒙身百斬。寧堪償。
權本狠貪。遜狐媚。兇德於時。偶參會。皇天有意。灰炎
精詎曰羣。奸智能遂。玉泉之山。紫氣屯。侯今世世爲
明神。童孩走卒。競瞻拜。萬年廟食。垂君臣。雲旂飄風。
互明滅。鐵馬金戈。儼騰踏。紛紛成敗論。俗儒矇瞽何
由睹。雙睫蘭陰。胡主義俠流。筆端不滅孫陽秋。爲侯
作歌。侯俯讀。掀髯一笑。羣吳牛。廣紀無序非

鼎新關侯祠顏歌

有序

明陳省

予兩游三楚。楚多侯舊游。在有祠事。嘉靖乙丑。予以御史按行。萬曆辛巳。上自田間授符璽。以御史大夫拊循之。壬午。晉司馬稱制。兼轄秦汴。貴陽而拊循如故。二十年間。予之得過於楚者多矣。然予所至。行有不得。輒以告侯。侯之應予如響也。夫以予之無良。二十餘郡之人民。有見惡而猶然且德我者有矣。夫我又安敢不德侯也。茲予去矣。予不能長有楚。而楚不可以無侯。爰徧檄郡國。新侯祠顏。而系之以歌。嗚呼。侯也。其尚歆楚之祠。永保我子孫黎民哉。

漢家火德漸灰揚。東京鐘虞紛相攘。操也。權乎。賊耶。

鬼中原。鼎沸如蜩蟪。元德奮起平原相。合衆討賊何
騰驤。於時美髯萬人敵。偉哉河東關雲長。丹心不忝
說逢齋。驍雄未許馬超行。桃園一誓堅金石。郤遼數
語凜冰霜。罵婚還賜慚二賊。明燭達旦埒三光。江南
諸郡迅收復。守荆濟沔功孰頗。攻樊之師尤烈烈。殲
虜降禁七軍戢。威震華夏瞞奪魄。許都之議何蒼黃。
奈何天蹙赤帝祚。阿蒙么麼笑中鉞。麥城不保仍西
去。侯兮齋志在章鄉。垂成之功廢一旦。入乎何尤天
其亡。僞誥未頒阿蒙死。侯也分明扼其腕。千載悠悠
滄海變。幾人骨朽名猶香。乾坤正氣氤氳結。魂游北

極摩青蒼。青蒼還閱人間世。五都百雉。駿奔恚予也。
豸冠。鍤印黃金章。廿年兩命。巡三湘。閭閻德我我何
有。精誠時與侯徜徉。予今黃冠賦平子。殷勤醜酒江
之陽。放歌無問宮與商。徧檄郡國。飭堂皇。撞鐘考鼓
殷其傍。春秋伏臘薦椒漿。侯乎侯乎。神洋洋。民間俛
仰在田桑。早魃不作無商羊。汗邪滿車家穰穰。四野
曾識催租郎。公家儲積自倉箱。夜門不閉誰止梁。狐
狸滅跡。況豺狼。白叟鼓腹樂未央。黃童竹馬歌滄浪。
願侯億萬斯年。奠此方。嗚呼。毋言閩楚三千里。瞻忽
依稀。只有咫尺丈夫肝膽。日月懸世人。誦我雲長篇。

大王塚歌

明 塞萬里

天生一髯。搏於龍。馘良俘。禁談笑中。鬼域方且避其鋒。誰數區區吳阿蒙。顧為兒曹詐乃翁。窮途折鬪父子同。玉山千古號悲風。一杯黃土蓋英雄。漢灰冷矣大耳公。空留遺恨永安宮。

圖誌類篇俱刪一句非

壯繆侯歌

明 曹國渠

魚為龍兮君失臣。漢運已盡生將軍。奸雄得志公憤怒。直與天命爭三分。三分土宇勢難一。公身亦隨漢運去。漢業乃因氣數遷。公心天地移。不得嗚呼公之辛苦。不欲見漢傾。豈與韓彭同功名。

壯繆祠歌

國朝李葉

關壯繆。龍逢孫。手提三尺劍。義勇包乾坤。起家蒲坂
萬人敵。欲補天柱撐崑崙。嗜左春秋曉大義。讀書恥
與經生論。黃門弄權漢云季。亂賊紛紛共乘敝。洛陽
宮闕燔爲灰。天子悲啼草間棄。破鹵元爲刀筆子。老
瞞亦是刑餘裔。荆南有表東有袁。蚕食鴟張竟何濟。
奸雄草竊非英雄。龍種獨有大耳公。燕山豪士猛如
虎。兩虎邂逅扶真龍。片語分肝結兄弟。誓匡漢統清
羣兇。首滅黃巾義旗指。軍聲震疊威關東。下邳之戰
侯小失。雖爲操困不臣賊。揮鞭衝突白馬圍。上將頭

暴士無色。黃金鑄漢。非鑄曹。漢壽依然舊疆域。惓惓
故主情。半死猶合并。主辱臣與死。主存臣與生。此身
可羈此志不可易。寧以新好渝前盟。賜予封還拜辭
去。飄飄單騎無追兵。報曹歸劉義兩合。丈夫行止何
光明。夾輔三分勢。鼎足卷甲長驅望風服。壯哉一面
當荊州。蜀尾吳頭據其腹。湘江水割東西疆。左顧無
憂受鋒鏃。襄樊軍渰波滔滔于也。如蟻。龐如蝟。阿瞞
胆裂不敢戰。江頭夜半萬鬼號。問關捍禦威震世。不
數耿鄧勛名高。辱詈吳兒絕婚媾。此輩腐鼠非我曹。
岌乎孱蜀兩雄介。壯繆一身係成敗。誰知天意不祚

劉詭算翻爲阿蒙賣。白衣蔽天炎運傾。碧血章鄉淚。
如灑。侯之生。鬚髯張。侯之歿。英靈揚。偉軀七尺存。綱
常丹心一點噓。高光身。雖亡矣。心不亡。玉泉威神長。
赫赫寶刀赤馬來。往雲中。翔侯乎。遺恨中原雖未取。
血食猶能禪萬古。卽今祠廟徧九州。魏吳山川皆首
俯。尺寸分爭竟安補。石城鄆下寒烟飛。不及當陽一
杯土。吁嗟乎。不及當陽一杯土。

滿江紅詞

明張幼學

漢火將灰。見百二河山分裂。更那堪。狐鼠縱橫。蛟龍
枯竭。四海瞻烏誰定止。羣雄逐鹿無休歇。識風雲天

意。在。樓。桑。真。人。傑。曹。瞞。賜。何。曾。督。吳。兒。媾。空。饒。舌。
奮。荆。襄。義。旅。普。清。污。巖。猾。鹵。魂。搖。驚。虎。視。愾。夫。影。伺。
潛。豬。齧。仰。丹。忠。千。載。日。爭。光。威。逾。烈。

又

明
陸世楷

金。碧。巋。然。渾。疑。是。漢。家。宮。闕。回。首。望。蜀。都。遺。址。棘。埋。
蕪。沒。四。壁。雄。圖。傳。古。史。一。腔。憤。血。留。長。碣。痛。英。魂。空。
逐。曉。風。歸。山。前。月。封。疆。內。專。征。歇。天。日。表。孤。忠。揭。
試。呼。之。或。起。怒。餘。蕭。髮。銅。雀。臺。荒。添。野。燒。石。頭。鎖。斷。
沉。江。窟。問。孫。曹。陸。呂。到。而。今。存。耶。歿。

又

明
陸世楷

雲暗條峰傷情處。一罇空設。誰記取。昔年桑梓。後來
瓜瓞。富貴無心歸故里。首丘莫向男兒說。且弔披荒
草。讀殘碑。尋龍穴。吞吳恨。何時雪。扶鼎血。今還熱。
歎皇天后土。枉生豪傑。白帝城頭啼杜宇。玉泉山下
聲淒切。待秣陵王氣。黯然銷。心纔折。

醉江月詞

國朝 田茂遇

對圖畫裏。是三分虎將。千秋人傑。顧盼英風。天生就
山嶽。男兒鬚髮。眼底周郎耳邊魏操。爾爾成何物。丹
衷赤手。重扶炎漢時節。一燭半卷春秋。古今看盡
了。雄心欲絕。兔馬龍刀。轉瞬間。鐵鎖銅臺。相接幾點

烟沉羣方雲擾。戰骨堆如雪。掀髯微笑塵世。幾番花
月。

滿庭芳詞

國朝 陶元瑞

氣奮風雲。義從君父。大忠無濟。顏綱。逆丕肇篡。宮禁
踞豺狼。晉史違天帝。魏人心死。六代貽殃。朝廷上。權
奸接踵。誰復表孤芳。唐家三百載。蒙塵犯闕。藩鎮
鴟張。縱忠魂赫烈。猶暖英光。直待新宏特筆。春秋義
大統纔彰。千年後。心懸赤日。不藉史官廳。

望海潮詞

國朝 季敏

檐飛金鷲。雲籠寶殿。表魂廟貌巍然。丹柱星繁。青詞

海溢同聲。簫鼓喧闐。宸號碧霄。聯見女車。士馬跣足。
摩肩薦楮。陳牲齊心。拜享玉階前。沓來北盡雲燕。
更南連荆豫。西接秦川。綵仗千羣。寶幢萬簇。聲靈如
震。瑤天浩氣徹三千。歎吳宮蔓草。魏寢寒烟。谷變陵
移。解梁欽祀。自年年。

答問一

明謝陞

問曰。陳氏旣以國士許關公。而又曰。剛而自矜。以短
取敗。然乎否乎。何必陳氏。卽如季漢後皇帝。追諡諸
將相大臣。武鄉侯得忠武。張車騎得桓。趙鎮東得順
平。以至黃馬龐法諸公。固皆美諡。乃於關公而諡曰。

壯繆夫剛則爲壯而自矜取敗則繆矣。陳氏之評。或本於此。答曰。論季漢一時之人物最難。而論季漢君臣之人物爲尤難。至於論公則難之難者。是豈壯繆二字可以諡之。陳氏數言可以評之乎。余以爲公蓋曠古一人耳。不必以他聖賢豪傑定品也。夫評其勇。不過萬人敵耳。曠古有之。評其畧。不過三軍帥耳。曠古有之。評其槩。不過虎臣耳。曠古有之。割骨瀟毒。此公之堅忍也。斬將報曹。此公之微權也。許田露刃。此公之隱忠也。叱吳請婚。此公之盛氣也。是皆不足以詭公。亦不足以公詭曠古。獨惜樊城之捷。魏將旣擒。

五軍全覆。由此而徑擣宛洛。以擬許昌。忠武提六師。由斜谷出武關。而與公會。天下事未可知。當時至使操怖而欲遷都。以避其鋒。夫操非怖人者。以孤軍抗袁紹。視如負嵎之虎。以大軍蹴孫權。視如游釜之魚。而獨怖公。則公之神威靈武。有以奪其魄而恫其衷也。何物孫權。從後圖之。而公忽諸。大事去矣。夫操巨蟒也。公不難攘臂以搏之。操且先自辟易。呂蒙虺也。陸遜蝎耳。公豈在意。而竟遭其一螫。解腕不暇。豈不惜哉。王身州贊公曰。樊城一師。炎燼幾然。前無衡操。後有伏權。天乎數也。公則奚愆。旨哉言矣。嗟夫。此惜

因公以惜漢耳。公生於蒲。游於涿。遂見昭烈而
侯有逾骨肉。史稱公與桓侯衆中侍立。昭烈終
日不倦。艱難險阻。無不周旋。昭烈陷袁而公陷曹。曹
公有計留公而公不一動。此之一念。豈但貫金石。震
鬼神。真可以測三光。蔽六合。古今有如斯君臣者乎。
有如斯兄弟者乎。有如斯朋友者乎。汪太函以爲五
倫而敦篤其三。吾無間然矣。嗟夫。此賈公耳。因公以
賈二公耳。公歿猶生。所在廟祀。皇皇英爽。愈久愈昌。
自華達夸。愈久愈廣。王弼州以爲至誠無息。惟公足
以當之。區區陳氏之評。何足翻乎。

本有直豎三界超
存浩劫四句禪語

去

答問二

明謝陞

問曰。關羽之鎮荊州。論者云。漢扁天府而委之。公似不能無憾於昭烈。又云。坐視公一人北抗魏。南抗吳。當時益德孟起。何不擇一人以犄角公。及公舍北而南。無復生地。似不能無憾於忠武。又云。公目中無人。護前傲士。難與夾輔。糜傅偏裨。曠憾叛去。又似不能無憾於公。然則此一蹶也。子將何所答乎。竊意剛而自矜。以短取敗。陳氏不爲盡非也。答曰。是皆不免以成敗論英雄也。夫昭烈之與公。其恩義爲何如者。豈

故忍扇天府而委之。以待公之獨立而不支乎。蓋真見公之忠勇。可以獨當一面。卽不能北蹂操。南躡權。庶乎足以自守。迨公樊城之捷。操且怖之。何有於權。亦政不虞前格白刃。而後中伏機。天不祚漢。昭烈其如公。何。夸陵一師。報怨是圖。何惜敗績。於此見昭烈之心矣。英雄舉事。要在賈勇而前。成敗利鈍。非可逆覩。若徒畏首畏尾。身其餘幾哉。天若有意于漢。操果遷都。權仍如約。非惟不用呂陸陰謀。乃更遣一師以助之。則操之將死游魂。安知作何狀乎。夫操在白馬津。與袁氏角。以一萬五千之師。抗四州數萬之衆。正

如公之抗操也。假使劉荊州用韓嵩乘敵之謀。孫伯符不死于許貢客之手。則操且腹背受敵。非蹶河北。則蹶河南耳。此不亦公之反證乎。蓋公不幸而操幸。魏幸而漢不幸也。且是時孟起方領涼州。益德亦有北門之寄。忠武何以遣之。其他人又非公之股肱也。荊州諸將糜傅鄙夫耳。卽不叛去。何益於數郝普小。有意而守不堅。亦苦爲吳所給。公目中何得有之。然則公之獨守荊州。幾振而顛。猶之乎忠武出師。身。在行間。僅有楊魏二將。不能並用。而食少事煩。終以自。賈耳。蓋天意去漢。卽二公將如天何。而於人則奚咎。

矣。黃希聲曰。文中。有侯與忠武氣調未合一段。背謬刪去。

解州常平祖塋祀田始末

崇禎二年。分守河東道張法孔信票。照得關侯精忠大節。天地爲胎。翊漢勦明。古今共戴。誠萬禩英雄治世福神也。常平實爲發祥勝地。目前本道瞻覩廟貌。峩然叩之。瞻田杳無半畝。誠爲缺典。爲此仰州卽將本道發去銀五十兩。置買官田一分。爲恪供關廟香火之資。解州知州羅子垣查勘關侯枌榆故里。距廟十里許。有石板溝祖塋在焉。山勢圍環。凹凸掩映。因名黑峪懷。雖世遠蹟湮。詢之耆叟。口傳有不容泯滅。

者。僉云從來未舉豚蹄。今蒙修廢崇祀。亦足以補千
百年之缺典矣。遂遵依買得近廟砂地二十四畝。共
價五十兩。以爲贍田。再查解民每歲以四月初八日
爲關侯受封之期。六月二十二日爲誕辰。九月十三
日爲忌日。展奠沿爲成規。但清明日祭掃紛然。而此
獨置祀。于是先期潔拭祖塋。動支租銀。預備牲醴。致
奠。以祀先師之禮祀之。則常平卽闕里也。是役也。因
新壇而思及故丘。幾百代荆榛若闕。妥祖禰而愾念
春夏數千年。水木追崇。斯關侯之所以敬止。維桑而
敬聖之所以血食未艾也。本道據詳批云。法因人立。

禮以義起。自此肇舉莫愆。亦可綿如在。微忱矣。黑峪
懷既爲聖祖佳城。清明日潔庀豚蹄致祭。仍當芟闢
荆榛。昭明景象。使大聖發祥奧區。爲士民瞻禮勝地
可也。祀田有文可
稽不嫌詞拙

遺蹟

宅

解梁故宅。在山西解州城東十八里。平陽府志云。常
平下馮村。卽侯故居。今建爲廟。前面中條山。後依鹽
池。拱挹靈秀。宜鍾異人。宋儀望有詩。

許州故宅。在河南許州城內東南。開封府志云。曹操

拜侯爲偏將軍。作一院二宅以居之。今卽其地立廟。邵寶有詩。

城

關城在湖廣荊州府。水經註云。侯北圍曹仁。呂蒙襲而據之。侯曰。此城吾所築。不可攻也。乃引而退。又寰宇記云。荊州江陵縣蚌城。在江內燕尾洲上。相傳饑年。人民結侶拾蚌。止憇于此。故名。城卽侯所築。以防吳魏。晉桓溫增修之。

樊城在湖廣襄陽府城北。漢江上。與襄對峙。卽周仲山甫所封樊國。侯圍曹仁于樊。卽此。

漢城在湖廣安陸城南七十里濱大江舊傳侯常屯兵于此

南襄城在湖廣遠安縣北九十里關侯屯兵處

俞潭城在湖廣潛江縣西七十里棠梨岡相傳關侯屯兵處址存

麥城在湖廣當陽縣東六十里沮漳兩水間相傳楚昭王所築侯爲呂蒙所襲走此

州

關州在湖廣龍陽縣東六十里侯屯兵于此舊益陽縣境魯肅與侯會語處

嶺

關嶺在湖廣京山縣治北百里上平如掌有毬場及故城壘。

洞

關洞在湖廣漢陽府城東北大別山之右一統志云其洞乃一岩穴侯嘗憇此一名藏馬洞旁有侯祠祠內有磨刀石。

瀨

關瀨在湖廣益陽縣西南五里甘寧傳云寧隨魯肅鎮益陽拒侯侯選銳士五千人投縣上流淺瀨欲夜

涉渡。寧聞知以兵往拒。侯不渡而結柴營。今遂名此處爲關瀨。又水經註云。一名關侯灘。南對甘寧故壘。昔侯屯軍水北。孫權遣魯肅甘寧拒之。侯不能渡。又潮州記云。石子山溪西有小溪。溪水映徹。侯南征嘗憇此。因名關瀨。

潭

關潭在湖廣長沙府治西南五里。府志云。昭烈入蜀留侯鎮荊州。孫權遣呂蒙取桂陽長沙零陵三郡。侯爭之。吳使魯肅屯益陽以拒侯。卽今青泥灣關潭是也。

洗馬潭。在湖廣荊門州南門外流水河。關侯洗馬處。

山

關山。在江南滁州西北三十里。山上石臺。有侯坐痕。行人輒以小石投之。取中其間者。爲生子之兆。傍有周將軍足跡。及馬蹄四石。上宛然。又有二井。一微仆。以爲飲馬所致。傍建侯廟。

摩旗山。在江南桐城縣東南一百三十里。關將軍屯兵于此。上有廟。

試刀山。在湖廣黃陂縣北六十里。相傳侯試刀處。
磨劔山。在湖廣荊門州西。關公會于此。磨劔因名。其

山有大石名磨劔石。

磨石山在湖廣京山縣西七十里。相傳關侯磨刀處。遂以名山。

撒石山在湖廣荊門州南六十里。相傳關侯于此撒石戒兵。

擲甲山在湖廣荊州府西北十五里。龍門山西北隅。接府城。乃關侯棄甲處。今有廟。

中條山在山西蒲州。廣輿記云。跨平陸芮城安邑夏縣解州界。山有關侯祖墓。并桃花元女二洞。

岡

得勝岡。宋王十朋云。予登得勝岡。謁關壯繆廟。有泉一泓。俗傳侯至此無水。拔刀刺地。泉隨而湧。廟西磨刀溪。北有晒甲崖。因題絕句。

走馬岡。在湖廣宜城縣東南六十里。關公練兵處。

石

卓刀石。在湖廣京山縣北十里。馬跑泉之旁。鄖陽巡撫王守有詩。

掇刀石。在湖廣荊門州城南二十里。侯嘗息兵。掇刀于石。其石嶮峻碧色。痕跡儼然。後人建廟于此。徐宗伯學模有揮戈未盡吞吳恨。掇石空留過楚痕之句。

孔克學亦有詩。

泉

卓刀泉有二。一在湖廣江夏縣城東十里。一統志云。世傳侯常卓刀于此。泉側有廟。一在湖廣武陵縣城西三十里。崔婆井旁。府志云。侯過此渴甚。以刀卓地。出泉故名。後人嘉其甘冽。又名清勝泉。

馬跑泉在湖廣京山縣北十里。侯駐兵此山。無水。士卒渴甚。夜有虎咆哮。馬驚跑地。因而得泉。至今民資灌溉之利。

飲馬泉在湖廣襄陽府城西南十里。侯飲馬于此。

池

青泥池。在安陸府治楠木山。樂進與侯相拒青泥山。卽此。

洗馬池。在湖廣宜城縣東南六十里。關侯洗馬于此。因名。今有廟。

井

關井。在湖廣宜城縣東南六十里。關侯廟左。其水香冽。相傳侯曾飲水于此。

義井。在湖廣蘄水縣。相傳侯淬劍于此。尚存劍跡。

口

洗馬口在湖廣漢陽縣東北一里。禹功磯側土人云。侯嘗洗馬處。

夏口在湖廣武昌府荆江之中。正對沔口。侯乘船與昭烈共至處。

繫馬口在湖廣漢川縣西南三十五里。侯繫馬處。

灘

別馬灘在湖廣安陸府漢江之南五里。相傳侯刷馬處。

壤

黑壤在湖廣玉泉山下。方二十里皆黑壤。徐尚書學

謨曰。土人相傳侯嘗駐兵玉泉。作書遺其子平。書罷。以硯汁潑地。故至今土爲之緇。其事頗涉幻。獨所豎青龍刀。在石罅中。以手撼之。輒動。然役于夫之力。不能舉也。

坡

白馬坡。漢白馬縣也。明時入滑縣。坡在縣北二十五里。卽侯斬顏良處。

圻

戊子圻。在湖廣漢川縣西南十五里。相傳侯駐兵于此。有廟。

市

卓刀市。在湖廣京山縣西北九十里。辦頓村。關侯駐兵于此。卓刀遺跡尚存。因更村名爲卓刀市。

鄉

章鄉。在臨沮縣南。今當陽縣玉陽鄉。侯卒于此。

臺

摩旗臺。在湖廣荊州府城北五里。侯嘗建旗于此。

柱

銅柱。在湖廣衡山縣西北一百二十里。侯與吳程者分界處。共鑄銅柱爲誓。卽此。

刀

萬人刀。刀劍錄云：侯爲先主所重，自採都山鍊爲二刀。銘曰：萬人及侯，敗侯惜刀，投之水中，水爲之沸。

碑

三絕碑。在江南揚州關廟。廣輿記云：蘇昌齡起句。馮子振脫草。趙子昂書。

雜記

儀表

蜀志諸葛亮答侯書云：孟起兼資文武，雄烈過人，一世之傑。黥彭之徒，當與益德並驅爭先，猶未及髯之

絕倫逸羣也。侯美鬚髯，故亮謂之髯。

屬員

趙累爲侯都督。侯退守麥城，旋遁走。兵皆解散，惟累十餘騎隨行。權使朱然、潘璋斷侯去路。璋司馬馬忠獲侯及其子平。都督趙累皆被害。

楊儀字威公，襄陽人，爲荊州刺史。傳羣主簿。時侯爲襄陽太守，儀去羣歸侯。侯命爲功曹，遣奉使西詣先主。先主與語，論軍國計策，政治得失，大悅之。因辟爲左將軍、兵曹掾。後隨丞相亮，遷綏軍將軍。建興五年，隨亮漢中。八年，遷長史。亮數出軍，儀常規畫分部籌

度糧穀不稽思慮。斯須便了軍戎節度。取辦于儀其
才幹。亮深惜之。

廖化字元儉。襄陽人。本名惇。爲侯主簿。侯敗屬吳。思
歸先主。乃詐死。時人謂爲信然。因携持老母。晝夜西
行。會先主東征。遇于秭歸。先主大悅。以化爲宜都太
守。先主崩。爲丞相參軍。後爲督廣武。稍遷至右車騎
將軍。假節領并州刺史。封中鄉侯。以果烈稱。
孫狼陸渾人。與兵殺縣主簿。南附侯。侯授印給兵。爲
之遙應。

追封

宋徽宗崇寧元年壬午。追封侯爲忠惠公。又封崇寧
真君。

宋徽宗大觀二年戊子。加封侯爲武安王。

宋徽宗宣和五年癸卯。加封侯爲義勇武安王。尋禮
部奏。關羽已從祀武成王廟。其勘從祀諸將。例不顯
謚號。合稱蜀將武安王從之。

宋高宗建炎二年戊申。加封侯爲壯繆義勇王。

宋孝宗淳熙十四年丁未。加封侯爲英濟王。

元文宗天曆元年戊辰。加封侯爲顯靈義勇武安英
濟王。

明太祖洪武元年戊申復侯原封漢壽亭侯。

明世宗嘉靖十年辛卯復侯原封漢前將軍假節鉞。
明神宗萬曆四十二年十月十一日差司禮監太監
李恩捧九旒珍珠冠龍袍玉帶金牌上書勅封三界
伏魔大帝神威遠鎮天尊關聖帝君十有六字齋至
正陽門關廟建醮三日頒知天下慶賀加封劉道開
曰按是時頒行天下郡邑各刻黃紙一張余時十四
歲猶見其全文自封侯之外并封夫人爲九靈懿德
武肅英皇后長子平爲竭忠王次子興爲顯忠王將
軍周倉爲威靈忠勇公賜左丞相一員宋丞相陸秀

夫。新丞相一員。宋將軍張世傑。其道堙朗。靈上將。三界緘魔元帥。以宋忠臣鄂王岳飛代。其釋教伽藍。崇寧護國真君。以唐忠臣鄂公尉遲恭代。優人搬演。不許仍扮關帝。以恣褻瀆。違者地方官治罪。劉若愚蕉史云。掌道經。殿大監林朝。神廟時最有寵。關侯封帝號。實朝奏請也。

明熹宗天啟四年七月。太常寺少卿盧大中題請。祀典之設。原以崇德報功。封號之加。要在稱名核實。漢壽亭侯。前將軍關羽。精忠大節。迄今耿耿不磨。故每歲仲夏。朝廷遣官享祀。從未有三界伏魔大帝神威。

遠鎮天尊號也。萬曆四十二年十月間。忽中官捧袞冕。並天尊神號至廟中。謂此典出自皇祖特封。比時並未知會。臣寺而臣寺無由奉行。顧廟貌儼然帝像。而稱謂尚屬侯封。用是題請。奉旨。這神號着遵照皇祖特加勅封三界伏魔大帝神威遠鎮天尊。

國朝順治九年四月。題准三界伏魔神威遠鎮天尊。勅封忠義神武關聖大帝。順治十六年。僧道恣還山。世祖章皇帝命巧匠。以旃檀雕關侯勒馬聽風像。被以金甲飾以珠寶。三年始成。賜恣奉以南。作山川之鎮。

宋徽宗大觀二年戊子封侯子平爲武靈侯。

宋寧宗慶元元年乙卯加封侯子平爲威顯武靈侯。

賜額

宋哲宗紹聖三年賜玉泉關廟額曰顯烈。

宋徽宗崇寧元年賜關平廟額曰昭貺。

明太祖洪武二十七年賜鷄鳴山關廟坊曰英靈。

明武宗正德四年賜馬嵬鎮關廟額曰忠武。

明神宗萬曆十八年賜高家堰關廟額曰顯祐。

明神宗萬曆二十三年二月賜洛陽關廟坊曰義烈。

九月賜解州關廟額曰英烈。

今上御書忠義賜額正陽門關廟。

祠墓

北京皇城北安門東。名白馬廟者。祀漢壽亭侯關壯
繆。隋墓也。

北京天壇之東有侯廟。相傳吳將姚彬盜侯馬而獲。
強不屈。廟塑縛彬像。臂弩出于縛。侯戎巾服作色。左
顧彬。彬反面色不屈。侍將七怒色。視聽指歸乎彬。捶
者。瞋彬。色作努。縛彬者。仰侯而色然。受命馬回望侯。
其色噴沫。人曰隋像也。因呼姚彬關王廟云。

北京城西北隅關廟。明洪武中勅建。成祖特頒龍鳳

黃紵絲旗一。揭竿豎之。成化丁酉二月。憲宗命太監宿政重修。內製暗花。都黃紵絲旗。揭之。并製紵絲大紅織金等袍服。青織金雲幡懸之。

北京宛平縣關廟。永樂年建。中塑神像。前爲馬殿。外爲勅建廟門。成化十三年奉勅重修。

北京正陽門關廟。在甕城之內西偏。明初所建。香火之盛。神籤之靈。甲于天下。

江南江寧府關廟。在雞鳴山之陽。洪武二十七年敕建。外有北極真武廟。都城隍廟。祠山張渤廣惠廟。五顯靈順廟。忠臣蔣子文廟。忠貞卞壺廟。武惠王曹彬。

廟。南唐忠肅王劉仁瞻廟。元衛國忠肅公元臣福壽廟。所謂十廟是也。

江南燕子磯關廟。在磯之顛。自隋唐間已有之。明正德十五年庚辰。武宗南征。駐師廟下。謂規制陋隘。乃勅南京守備太監黃偉恢。隘門宇。增飾臺榭。

山西解州關廟。距城西百步而遠。南面中條。北滌。硝水。宋大中祥符甲寅。敕建。元祐壬申。復勅重修。明嘉靖乙卯冬。河東地大震。祠圯更修。萬曆乙未。奉勅重修。賜額。規制中爲正殿。其周簷以石爲楹者二十有六。皆雕龍飛騰。貌帝南面。後有寢宮祀帝后。左廂祀

帝子與右廟祀帝子與妃殿之前爲樓樂樓樓凡五
間三層壯麗樓南爲午門五間午門南有坊曰如在
其上高陵昌棊題又南爲儀門儀門內左右行廊各
十有五間儀門外東西有皇明敕修碑二各覆以亭
左碑亭之東爲啟聖祠祀帝父母其寢宮之後建麟
經閣二十八楹高九丈翼以二樓左春兩廡各九十
五間圖繪帝之存歿履歷甚詳閣之北嫌勢漸下覆
土爲山負若屨長三百尺高稱之儀門之南繚以蕭
牆甃爲甌門三外面中鐫扶漢人物左大義參天右
精忠貫日入門左坊名垂宇宙右坊靈察古今又與

維坤維二門皆圓洞如城門制。建鐘鼓樓。樓外東西各一坊。東曰義壯。乾坤。西曰威震。華夸。其轆門之前爲壁。甃以琉璃。壁南爲坊。曰丹誠貫日。坊南爲蓮塘。祠東偏爲崇寧宮一區。居道士俾典其祭。

山西常平關廟。距解州城東二十里。爲常平下馮村。帝故里也。有帝先世塚。上有危塔。在中條山麓。而鹽池當其後。祠制外爲大門四楹。耳門各二楹。入門稍東卽塔也。正殿六楹。前爲獻臺。中虛四達。東西廡各十楹。後爲寢殿六楹。左右房各四楹。迤東爲道院。祀香火者居之。墻垣周圍百丈。飾以繚簷。大門前爲坊。

三南曰關帝故里東曰靈鍾鹽海西曰秀萃條山
山西平陸縣南金雞堡上世傳為侯思鄉因名思鄉
廟。

湖廣玉泉關廟在當陽縣西三十里覆舟山。爰嶂回
擁飛泉迤邐漢建安二十四年十二月帝歿此山葬
于章鄉廟與于陳光大中唐貞元十八年荆南節度
使工部尚書裴均廣其祠宇宋大中祥符六年命荆
門軍以公錢修理循廟而東又有廟曰昭貺即帝之
子牛也俗呼為三郎廟。

河南汴梁武成王廟唐時立內祀姜太公以張良為

亞聖配享。以歷代武臣爲十哲。七十二弟子從祀。而關侯亦在其列。

歸化城關廟。湘江巡撫張鵬翮鎮東樓廟記云。予往出使俄羅斯國。經歸化城。化城爲荒徼地。獨有壯繆侯廟。榜曰關聖帝君。

日本國關廟。經畧尚書邢玠日本國圖說云。在五島乃路。侯廟遍天下不勝載今載其最著而異者

湖廣侯墓。在當陽縣城西北五里。玉陽鄉。卽古章鄉。吳歷云。孫權以諸侯禮葬。墓前故無祠。宋太祖乾德中。詔前代功臣烈士。宜令有司詳其勲德優劣以聞。

其第一等勲德高邁各置守冢三戶。而關侯與焉。至孝宗淳熙十五年。荆門守王銖始建祭亭。環以垣墻。樹以松栢。明成化丁亥。知縣黃恕請于朝立廟。其後漸圯。嘉靖丙辰。太監黃錦都督陸炳出白金二千五百兩。撤而新之。規制中爲正殿。後爲寢宮。前爲祭臺。左右爲兩廡。南爲儀門。再南爲大門。儀門外左爲堂。作鐘鼓樓。又建坊于前。繚以周垣。廟祀之具咸備。而守之以僧若干人。俗稱大王塚。

河南侯墓。在洛陽縣城東南十五里。季漢書云。漢建安二十五年正月。操還洛陽。孫權害侯。送首至洛陽。

操以王侯禮葬之墓前舊無祠今祠制中爲正殿五間後爲寢殿五間寢殿之北爲侯塚周甃甓垣外植松柏正殿之南爲儀門三間又南爲大門三間左右迴廊四十餘間東偏有道院司香火又巽隅有坊題曰關聖帝塚

四川侯墓在成都府城南萬里橋一統志云侯旣歿于吳昭烈招其魂葬衣冠于此

祀典

明嘉靖中定京師祀典每遇侯生辰用牛一羊一豕一果品五帛一爵三香一燭六遣太常寺堂上官行

禮四孟及歲暮遣順天府官祭國有大事則告凡當
祭先期題請先一日陳設贊引導遣官行教坊司作
樂贊詣盥洗所洗訖贊就位贊詣前贊指笏贊上香
贊出笏贊復位贊四拜贊奠帛行初獻禮贊詣神位
前贊跪指笏獻帛獻爵贊出笏俯伏興平身贊復位
贊跪贊讀祝訖贊俯伏興平身贊行亞獻禮行終獻
禮儀同初獻惟不獻帛讀祝贊四拜贊炷祝帛贊執
爵者捧爵奠帛者捧帛各詣瘞所執事者捧祝帛出
贊詣炷祝帛所導遣官至燎所炷半贊禮畢

解州祭善于侯封爵日然皆鄉人旅賚村樂雜劇漫

無定體。弘治三年春。監生蒲昭奏准。每歲春秋上庚日奉祭。本州正印官行禮。嘉靖癸未。侍郎王秀按部謁祠。諸祭器悉易以銅。巡鹽御史胡鑰刻石。每祭先期量動庫貯香。緡銀十兩。領與本村鄉老備豕一。羊一。豚。胎。脾。肝。藁。魚。鹿。醢。兔。醢。魚。醢。醢。韭。菹。菁。菹。芹。菹。笋。菹。形。鹽。黍。稻。稷。粱。白。餅。黑。餅。棗。栗。榛。菱。芡。太羹。一。和羹。二。帛。一。爵。三。香。一。燭。四。照式。二。副。一。祀。于。侯。前一。祀。于。侯。先。世。塚。前。遠。近。士。女。奔。走。享。賽。道。路。絡

釋

祭期

卷之三

壯繆

十一

三

北京城西北隅關廟每歲正旦冬至及朔望祭祀。

北京正陽門關廟每歲五月十三日祭祀。

江南雞鳴山關廟明時每歲四孟及歲暮遣應天府

官祭五月十三日遣南太常寺官祭。

山西解州關廟舊皆于侯封爵四月八日後蒲昭奏
准每歲春秋上庚日今四月八日九月十三日運城

鹽院運道間各致祭。

山西常平村關廟每歲清明節祭祀如民間拜掃之
禮。

湖廣當陽關廟明成化三年請于朝詔每歲春秋二

仲薦俎豆。

河南洛陽關廟。每歲正月十六日。鄉人鄰封士女。率
刲羊醞酒上塚。如祭掃焉。

靈異

僧智者傳云。僧名智顛。陳光大中。自天台歸渚宮。暇
日登紀山。遠望當陽。見山色如藍。上有紫雲輪。困如
蓋。念彼當有勝地。于是涉清漳。過曲沮。至當陽。入山
尋之。初抵清溪。與意不契。還至金龍池。北百餘步。有
大喬木。空如菴。山林幽深。可以卓錫。卽止焉。夜半山
空月明。見二神人接武而前。一人美髯而威猛。一人

少年而俊偉。師知其非人。問曰：長者為誰？答曰：吾是漢前將軍關雲長也。又問曰：少者為誰？答曰：此吾子三郎也。曰：何所而來？曰：昔者吾鎮荊州，討漢賊。父子忠義之氣，死而不散。憑依此山久矣。是間人迹不通。爾住此何為？曰：道人欲於此卜築，以奉佛。侯曰：善哉。願捨此山作道場。言訖不見。由是智者往覆船山為第一代住持。既建寺，遂立祠祀侯焉。

顯靈實始於隋國裁此

湧幢小品云：宋崇寧中，蚩尤作祟。解州鹽池水溢，道士張靜虛攝關侯之神治之。池鹽如故。關侯現形于禁廷。于是加封拓祠。祠最偉，侯亦最靈。池長百二十

里濶七里周垣守之每大雨輒能敗鹽必禱于侯而止。

郭象睽車志云李若水字清卿邢州人宣和王寅爲大名之元城尉有村民持書至云關大王有書公甚駭愕視其緘云書上元城尉李尚書漢前將軍關雲長押詰民何自得之云夜夢金甲將軍告某曰汝來日詣縣由某地逢著鐵冠道士索取關大王書下與李縣尉旣覺驚異勉如其言果遇道士得書不敢不持遞公發書其間皆預言靖康禍變以事涉怪卽火其書遣其人不復問作詩紀之云金甲將軍傳好夢

錢冠道士寄新書我與雲長隔異代。翻疑此事太荒
虛靖康元年丙午公奉使金國除吏部侍郎明年丁
未金人圍汴京公隨駕出城求和公不屈爲金人所
殺謚曰忠愍其子浚淳記其事刻之石

洪邁夷堅志云向友正元仲之子也淳熙八年爲江
陵支使攝公安令癰發于胸臆間拯療半歲弗愈嘗
浴罷痛甚委頓而臥似夢非夢見一偉丈夫長頭巨
目著拂塵披衫微揖而坐傳藥方與之曰用沒藥瓜
蔓乳香三味以酒煎服之且言桃源許軫知縣亦錄
此方但不用瓜蔓若欲速効宜服此友正敬謝卽如

其戒不終劑而痊。後詣玉泉禱雨。瞻關王像。蓋所感夢者。因繪事于家。

周暉金陵瑣事云。明太祖既定天下。將建廟于雞鳴山。以事神。夜夢一巨人。赤面長髯。手握巨刀。謁陛前。曰。臣漢將軍關羽也。陛下建廟。何獨遺臣。上曰。卿于國家無功。神云。陛下戰鄱陽湖時。臣統陰兵十萬相助。何謂無功。上領之而退。明日遂敕工部建廟于雞鳴山。特賜英靈坊以表之。

劉侗帝京景物畧云。成祖北征木雅失禮。經灤海。至幹難河。擊敗阿魯台。軍前每見沙濛霧靄中。有神前。

驅其中袍刀仗貌色髯影。乃關公也。獨所跨馬白。凱還燕市。先傳車駕北發。日一居民所蓄白馬。晨出立庭中。不動不食。晡則喘汗定。乃食。回蹕則止。事聞。乃勅崇祀。

沔陽府舊有武安王廟。大德十一年。居民遺火。然廟中諸神像皆爲灰燼。獨武安王像貌儼然如故。士民傾城聚觀。無不嘆爲神異。時當陽尹崔舉奉省委至沔陽。目覩其事。

張四維解州廟記云。嘉靖乙卯。河東地大震。廟圯。棟宇摧裂。而神像儼然自如。亦靈異之一端哉。

周應賓普陀山志云萬曆戊戌寺燬金石盡燼惟關
真君鬚髯不爲烈焰所壞。

洪若臯陳民部奇報傳云陳益修字偉如山東濟寧
州人州有關王廟廟後爲回回清真寺崇禎癸未八
月益修劇金重新開廟回回楊生花楊化龍等謀奪
廟拓寺羣回數百人折木毀基益修挺身白于官楊
夜持三百金遺益修益修正色拒絕楊意恨會流賊
破兗州生花等乘變要益修叢毆之體無完膚鬚髮
盡禿刀割雙目剔出其睛更以石灰實兩竅內或疑
未死躑足踢之或雙蹄踰腹跳躍三四而下時孟冬

嚴寒。益修赤體。皮肉盡裂。頭顱成炭。氣息絕者。一日矣。乃曳尸歸家。賞馨。掠復給丐。煮楊瞎子。詐稱回黨。活撲死。置益修尸傍。希以命抵命。及家人夜歸。撫益修心孔微溫。舉置火坑上。灌以湯水不受。越夜半忽甦。夢一人身長而大。穿綠繡袍。金補。手持酒卮。卮外青內白。謂曰。毋畏。飲此酒可活。益修強飲之。噎下。喀喀有聲。遂下血至斗餘。能省人事。然腦痛難忍。輒昏。暈。次夜夢一青衫角巾。貌若神仙。排闥入。趣之起曰。汝腦中有死血。急出方可生。以手連扣其腦。痛甚。少頃。兩目孔噴血如注。血盡痛止。旬餘復甦。一老嫗食。

以果如杏李實。酸澁殊甚。又手持羊眼二。爲納眶中。囑曰。右目六十日當復明。左目必百二十日。及期果然。州里驚異。明年甲申。生花等作亂。宗族十三人。寸磔于市。距益修受禍。才八閱月耳。順治乙酉。益修舉于鄉。臘月十三日黎明。忽有人叩門。遺書曰。東畔方生耳。草頭八皿全。一夕三人臥。門內隱八天。老翁成羽化。黑犬右人牽。耳邊絲亂墮。禾斗永相連。益修不省意義。亟視其人。已失其所。牘背大書。陳益修關公默佑聯科九字。秘不敢洩。丙戌春闈。果中第一百三十名。進士任戶部郎中。權關擊籤。得荊州司關。荆固。

王之駐旌地也。事竣。移疾歸。益修與余同官。口述其事。細覘其目。實羊目云。

直隸大名府濬縣王悅。宣德乙卯年。方十歲。其父願爲之扶鸞。以卜終身。值關侯降筆。供五香酒。因出對云。兩手拿來五香酒。一吸三盃。悅卽對云。九天降下一元帥。千變萬化。及降詩有烏臺御史都堂職守也。存心樂聖朝之句。又云。汝名喜悅之悅。不若超越之越。因求字。乃云世昌。後越官至威寧伯。謚襄敏。其年譜備述改名取字之事。

袁中道珂雪齋見聞隨筆云。遵化一鄉官。一日詣巡

撫蹇理菴。云某有一事求批允。乃欲得關聖祠基。廣其宅也。理菴云。關公忠義護國之神。豈可奪其香火之地。此必不可。鄉官求之愈切。公持之甚堅。其後鄉官竟占祠後地。時無子。後連生數子。俱無後。竅不能出糞而死。蹇少保與予言。

錢希言。獐園云。亡祖府君少好節俠。性豪宕。不能下人。遂遭詿誤。謫田遼左。客令寧遠伯李公家。寧遠嘗師事之。遼陽有關漢壽祠。在錢嶺城外。最靈異。府君時往祭禱焉。其年嘉靖己酉。先世父武選公赴順天鄉試。先君時爲錢嶺諸生。一日五更時。扶侍府君入。

廟謁神。父子各攜一燈。既至。有廟祝趨出。迎拜。府君曰。賀喜。賀喜。適來夢中。蒙神降臨。宣教敷某。速起云。錢封公至矣。攜兩燈來。告其有一燈。息一燈也。府君謝之。遂舉燈滅其一。率先君瞻禮而出。先是府君兩目俱盲。且十八年矣。是早從神廟歸。月色中忽有聲從空而下。如霹靂然。目開如故。心以爲祥。無何。捷報踵至矣。明年庚戌。世父果擢進士第。而酉一登。戌一登。壯。繆降靈。若劣授焉。後世父爲駕部郎。始上書白。府君寃。有詔洗雪。府君遂脫戍籍。封如子官。享年八十有七。

猶園又云。海寧陳與郊。隆慶庚午冬。以計偕入都。泊舟山東臨清城下。岸側有關祠。遂入謁。乞夢。默祈功名。是夜夢至一處。驚曰。何地。有紫衣宮監出。謂曰。此天子殿前。頃之聞呵殿之聲。羽衛數百人。引一垂髻小兒。衣赭黃龍袞。南面而坐。俄而有人持衣冠加與郊身。與省中諸郎並立御前。遂蒙召對。甚稱旨。上命前紫衣宮監。押出硃紅箱子十隻。每隻以黃繡袱覆其上。傳宣特旨。命陳與郊分賜大小臣工等。卽叩頭謝恩而出。旣出。所舁十箱。安置一大公廨中。竊啟視之。乃每箱有大統曆一千本。計十箱則萬本也。驚而

覺不知何等。明年辛未下第。至萬曆改元。癸酉冬北
上。今上方十有一歲。果叶垂髻之夢。而萬本曆日。非
年號乎。已預定于三年前矣。心計此行。必成進士。無
疑。已復維舟臨清關祠旁。遂再入乞夢。是夜又夢一
府署。視堂上官猶未出。惟兩旁典吏環立左右。因叩
之。吏曰。今科必第。但合授翰林假秩。未必真也。既覺。
秘不輒言。甲戌春。果領南宮第二人。是科執政之子。
不獲雋。竟格館試不行。選調司理。以治行高。推擇爲
工科給事。秩滿。拜翰林院提督四庫館太常少卿。方
悟昔年之夢。于同官。嘆曰。功名之數。已定于冥冥之

中久矣。豈可強而求哉。遂上疏乞歸。優游西湖之上者二十年。

洪武解州下馮村有于保兒者。性至孝。娶汪氏。甫三日。被株連謫戍南海。凡萬里。發遣日。泣謂妻曰。遠離年邁父母。何人奉養。妻曰。妾之事也。君勿慮。願君寃得伸。可早歸耳。汪氏紡績孝舅姑。盡其力。每朔望必往武安王廟泣禱。以祈夫回。如是數載。歲在丁卯三月二十三日。昏暮時。忽見馳一赤馬者。狀貌巍巍。謂保兒曰。汝素孝。可念父母思家否。保泣告曰。愚蒙在陷。焉有不思。法度森嚴。何以得歸。馳馬者曰。吾亦

解人偶過此西還汝欲往當偕行遂帶于馬後疾如
風行瞬息墮于下馬村之東壟遍體沾濕筋骸疼痛
及旦乃匍匐叩諸畊者始知至家見父母與妻相持
而哭備道回家之由乃知爲王神力汪氏至誠之感
南海伍中失于保官行檄至解搜求之卽于保至家
之日也事聞遂蠲厥役至今汪于二家尚有人焉
湯聘號旌三金陵諸生修德立品豁達大丈夫也世
祀關帝極虔年幾三十忽然暴死信宿當心不冷妻
阻勿殮又二日仍不冷妻阻勿殮至七日終不冷妻
復堅阻勿殮然頰上現爛痕矣聘初謁冥司冥司曰

汝善士也。不當死。命之去。聘不去。請游地獄。冥司許之。會決囚。聞呂真人至。閱獄釋罪囚什之二。居間。關帝又至。閱獄釋罪囚什之伍。聘俯伏帝前。求示休咎。帝曰。汝善士也。當中第八名進士。復以袖拭聘頰爛痕。是夜果魁。後果得第。著有返魂篇行世。

周元亮關廟記云。江陰人戚三郎者。婦王氏。一子五歲。生而姣好。家開帝廟前。夫婦素虔事帝。乙酉八月。城陷。婦被掠。兵以髮足帶糾戚臂。受十三創。仆廟側。首墮而不殊。兵以爲死。舍之去。日暮臂帶忽自裂。有翁媪扶夾得歸。戚心識其爲比隣錢翁沈媪也。越二

日來告曰。兵封刃。郎活矣。後不復至。戚首爲血。纏起視。惟五歲兒在旁。哭室中。僵二尸。辨之。卽翁姬。始知翁姬殆。肅帝命以救戚者。戚有木。欲爲榼。殮之。憶嘗爲帝治寢宮。匠或有存者。瞰薨入廟。得三匠。呼與偕來。戚出乞米歸。失三匠。而存五榼。跡之。見三尸。什廟內外。固三匠也。戚驚懼。時邑人漸歸。廼以五榼。厝翁姬及匠。訖。戚號泣求婦。復禱于帝。其夕示夢曰。疾去數里外。有舟待。越十四日。不可見矣。戚力疾負子。行至津亭。一人艤舟。若有待者。其人爲成三郎。亦以婦被掠。遂結伴行。抵江寧。揭示通衢。或告戚婦所在。引

見郝總旗。戚納十金就視。迺成婦也。先是成婦書所過郵壁曰。江陰成三郎妻王氏在某營。成是微脫。獨存戍。或見戚所揭示。誤報戚耳。成錯愕不自安。願以身屬人。貸金爲戚贖婦。郝義之。爲保役于張將軍。得二十金予戚。戚泣辭曰。子售身倍其金予我。我義不受。顧婦何在。得金安往。郝曰。第忍之。姑留金。張將軍所。一日成見張空舍。繫閉諸婦。有操鄉里音者。冀其爲戚婦也。微伺得之。驚喜告戚。要郝詣張拜跪而請。張以戚婦少艾。需五十金。郝爲具言。帝所以祐戚。并示夢期以動張。戚見見母。疾趨母懷。哭失聲。成戚夫。

婦四人共相持涕泣。郝亦感動悲涕。張諸姬環屏內
皆皆掩泣。張蹶然起曰。止。吾還爾婦。毋用金也。第吾
毫無子。盍以兒留我。爾兩家夫婦俱去。遂舉兒遍拜
所親。實從羅拜。賀將軍有子。計戚初見張實。帝所示
十四日也。後數年。張卒。戚兒爲其族擯歸。張諸姬憐
愛。競以遺資贖贖之。今爲江陰巨室。

王兆雲客窗隨筆云。隆慶間。廣平府霖雨浹旬。山水
暴漲。浸入東門。城中恐懼。計無所出。忽見雲霧中關
侯。一脚踢倒城門樓櫓。門似填實。略無罅隙。壅住水
頭。城得不陷。

北直廣平府地勢窪下。形如釜底。于康熙七年夏月。忽漳河更發大水。冲破重堤。城不浸者三版。水勢洶湧。城將崩。城中男女號慟。乘屋升垣。危在呼吸。有軍廳胥吏路某生子七歲。從未聞言。是日忽指空中大言曰。關帝已將水怪斬矣。衆皆驚詫。俄而水果退消。一城無恙。此關帝再禦廣平水患也。

董份烏程縣關廟記云。廟在昆山。明尚書潘季馴建。馴治河時。禱神得陰祐。成河工。歸而特廟以祀。且藉以鎮湖之海口。廟成欲頽之。忽有農夫自田闢來。迅筆大書漢壽亭侯廟。款曰羽書。柱聯云。昭昭與雲日。

爭光悠悠共乾坤不老。迥非時手及置筆。仍然一蠹農夫也。

王同軌耳談云。嘉靖丁巳。民部郎浙人沈襄。以其父錦衣衛經歷公鍊。抗疏論奸相嵩過激。徙置絕徼。尋棄市。諸子皆寃死。襄獨繫獄久。兩臺使皆相私人。欲斃襄。俾沈氏無噍類。一日獄吏持飯。飯襄。凡囚死例給飯。襄亦知之。但強飯待斃。白晝忽發異香滿室。神御赤馬盤舞雲端。下語曰。我關雲長也。汝忠義之子。故來救汝。汝不死。語訖。戛刀入雲中。獄中人皆見之。卽夜兩臺使。皆以他疏被逮。而襄得釋。襄後令安鄉。

建侯廟。日夕展拜。自述其事如此。

顧湄記云。儀部太倉張公采。字受先。乙酉元旦。夢侯送一扁額至其家。扁爲乾坤正氣四字。公性剛直。先是州胥吏多爲不法。公往往白于守。案治其姦罪。羣小蓄恨。欲甘心焉。是歲四月。乘亂要公劫于路。擁至城隍廟。叢毆慘酷。血肉糜爛。有童子自外入。見城隍神。以身翼蔽公。公僵仆不動。羣小以爲死也。命丐者負公屍。投之坑塹。至較場關王廟側。屍重不可舉。復有巨憝數十人。持鋤挺欲斷公首。匆匆而至。一異相僧突從關廟出。于人叢中。腋公而去。取廟中扁額臥

公于上。卽乾坤正氣扁也。時仗義謀救公者。亦稍稍集。遂以扁舁公歸家。得甦。明年捕兇黨。駢斬于市。又明年公乃卒。公與先太學交最厚。涓猶獲侍視席。爲追記之如此。

烏衣佳話云。張尚書磐石。未第時。讀書一僧寺。偶游方丈。若有所思。佇立久之。漫以手擊僧房門。門隙忽遞一鑰匙。開之。有美女在焉。女曰。公洩彼事。彼將不利于公。柰何。磐石踟躕無計。伏案而思。不覺沉迷。夢關侯云。爾無震懾。吾當救汝。第取吾像傍刀。繫支方丈扉耳。磐石如其言。歸推門。刀倒斷僧脰。磐石持

以報有司。有司曰：此必爾所殺。焉有木刀而殺人者乎？置之獄。侯復示夢云：爾當自有司。取原刀植于庭。可令獄中當死囚。伏其旁。試之。吾自有應也。有司勉從之。置多囚于庭。其刀忽創。竟斷一盜魁之脰。因大駭異。釋磐石。

余有丁神應記云：隆慶丁卯。新淦舉人張堯文同兄克文。計偕入都。至桃源。病革。已屬纊。兄爲治木。未斂也。恍若神人繞舟呼曰：是人且不死。頃之。復有呼者曰：關先生以王孫友愛。故來告汝。行矣。克文昇弟尸。寘野廟中。日夕走關帝祠禱曰：卽堯文溢死。克文寧

獨生。是日室中復有呼者曰。兄弟同心。終不害死。堯文視其魄。不陽亦不化。腹背相湊。若無臙膈者。一夕尸蹶然起。負墻而立。立忽仆。其僕驚告克文。急入撫尸而語曰。某在斯諦聽之。細若氣。微若聲。呻呻若嬰孩。忽起坐。服湯藥。浹旬而復。自死至甦。凡十有八日。後克文中。戊辰進士。歷官刑部員外郎。堯文中。癸未進士。歷官山東副使。

豫章周大賚記云。有郡守酌全僚。作催花飲。而欲得真花。守曰。敝衙有。令門役往採之。至則郡守之女在焉。守家規素嚴。女恐為父所覺。乃挾四役曰。我在。汝

何得深入。女意欲懼而鉗其口也。四門役私語曰。信如斯言。吾輩殫粉矣。莫若先圖之。遂執二處子繫石于腰而置諸井。守歸索女不得。又不敢發。越蚤。禱于帝廟。夢帝坐于中堂。守跪告女之故。帝以筆大書于臺曰。嘆花間紅輪西墜。悶無心懶傍妝臺。倚闌干東君去矣。閉紗幮不見多才。書畢。守覺不解其說。復偕郡丞飲。至中。遂以夢中帝所書爲令。猜破免飲。衆僚莫解。惟司理公曰。此無他。是四門而已。間無日。一門也。悶無心。亦一門也。闌去東。一門也。閉不見才。亦一門也。守遂留向採花門役四人。登堂一鞠而招。竟得

二處子骨于井中。

錢忠靖紀云。萬曆甲辰。過豫章。豐城尹陸公諱典者。曰。公車時。逆旅失火。余方醉臥。帝君呼之起。起則棟已炎矣。僅以身免。是歲登第。後乙卯。見北畿解元怪其名與帝相類。或告余曰。房官闕卷時。聞帝空中呼曰。還我解元。房官亟索冠帶竦立。讀卷畢。署第一。比折卷。則秦翊明也。而翊字犯神廟諱。考官爲抹去其立。遂與帝諱同。予猶不信。及戊午。以鄉薦入都。質之主試崑山楊內翰。良然。

胡維新紀云。弘治末。餘姚支湖胡公鐸。任解州。敬神。

愛民。解人德之。比績滿將行。先日武安王亦享其素。誠令巫致東一函。內云水一盃。香一炷。馬萬匹。中途當有陰衛耳。支湖莫知所謂。行日夾道居民門設淨水一盃。蕤香一炷。過則老幼拜送。以申感戴。行至蒙城境。時流賊劉七等猖獗。適與賊遇。望中尚隔里餘。支湖惶怖無策。忽大風拔木揚沙。白晝晦冥。陰雲中現一關字大旗。知神默衛。乘暗亟行。與賊相左而過。魯人至今異之。後支湖公歷任終太僕卿。始符萬馬之兆云。

嘉靖間。臨江縣有禪寺。供侯像。太史張春未第時。在

寺讀書。往來從侯前過。必稽首致敬。遇朔望。必焚香
默禱。忽有數蜂在侯像耳內結窠。春見之。卽爲剔去。
是夜夢侯至書室中。春拜迎。侯曰。承汝療耳。未有以
報。子讀春秋。曾知奧義否。遂講數條。春聞之。發人所
未發。自此以後。每夜夢侯來臨。一日麟經友會課。春
以侯所指示。結構成之。衆咸嘆賞曰。是必從秘本得
來。願借一觀。春曰。實無秘本。此關侯教我也。衆哂之。
以爲妄語。是年秋闈。復夢侯曰。我來輔爾三場。春在
場中作文。筆下若有神助。卷落霍韜。春秋房韜。以麟
經名世。自許無雙。閱春藝。見其議論出羣。大奇之。遂

中式。丁未會試。亦如鄉場神助。選入翰林。人咸以爲敬侯之驗。

福建泉州一文學。虔事侯像。夜夢侯曰。子讀易。曾知與春秋大旨相通否。文學云。春秋義正。易理甚微。侯曰。不然。知易則知春秋矣。春秋開卷第一義。書元年春王正月。千古諸儒。莫得其解。若大易先天說卦。數往者順。知來者逆。是故易逆數也。之說。參看。便知易象春秋。旨原相合。但世儒莫知察耳。子何不與光縉李解元一申明之。蓋光縉與文學同里居。相友善。時尚未登第也。明日文學以侯語告光縉。大異之。曰。此

果出漢宋諸儒之上。非尋常末學所能知。何以獨見
夢于子。而使予得聞焉。再拜曰。侯深于易矣。獨春秋
乎哉。

魏象樞關侯講學記云。康熙丙午二月。夢登高樓。謁
關侯。關侯呼象樞而語之曰。吾道一貫。孔子云一以
貫之。何也。樞對曰。大人當有擴充推致工夫也。侯曰。
赤子知能原是一貫。爾說與人知之。

曲江縣志錄異云。曲江城西門樓。有關帝廟。其來舊
矣。順治丙申年五月二十日未申時分。秀才黃忠德。
遊芙蓉山歸。雜在渡船中。并隔岸居民。見樓上毫光。

炫燿帝披金甲藍紗巾立樓牖面北少頃面轉西而退見者且驚且拜至二十一二十四二十五三十日依時復現次年七月初十二二十四依時或黃蓋或二將隨後見者不啻千萬人蓋漢至今一千五百餘年現身如帝從古所未聞也

吳俗相傳五月十三日爲侯生日所在祭賽上壽是日必有快雨呼爲磨刀雨

宋司馬知白云侯廟食當陽之玉泉逮今千載雨暘響應每歲寺中必爲大籠餅以祭極其精潔方曝麥于庭鼠雀不敢近有犯輒死以此人咸敬畏

元長安志云。試官石在九耀街武安王廟前。橫臥街側。色黑而瑩。長四五尺。高二三尺。世傳唐時舉人就試。以釘釘之。十其中否。今觀石上有釘數十餘。釘頭皆露。亦有半入而上曲者。昔李將軍射石飲羽。蓋偶然爾。此豈偶然者耶。其理殆不可曉。

遂寧張鵬翮記云。乙丑歲。鵬翮蒞河東。值鹽池六年水患之後。鹽花不生。商困課絀。鵬翮勞心。緩懷躬督州縣。濬渠築隄。以禦客水。雖暴日風雨不避。而爲之蛻。周視池內。教商築畦澆酒爲之。較緩急。權子母。劑商民。各得其平。以足引課。有所興除。或貪謀諸。

或博稽諸史得一法。卽見之施行。自春徂冬日無寧
晷。日老親去楚。不得朝夕承顏。憂與勞並。形神况瘁。
慨然有請告之想。禱于關夫子以決其可否。忽一夕。
夢光彩照耀如白日。關夫子降臨身中。面半肥而少
扁。顏如醜。滿頤皆鬚而疎長。冠漢巾。服綠袍。有補。與
人間繪像迥別。向鵬嗣言曰。君名。語未竟而夢覺。再
三尋繹。不解二字之義。越夕。夢示不可去。後有好音。
今年大池修復。鹽花盛生。課可足額。竊意秋冬可遂
歸志。忽于六月三十日。報聞。特旨內陞。始悟君名
二字應在此也。頌行。謁辭。解州帝廟。登麟經閣。見塑

作回福滿願皆墳宛如夢中所見因嘆神明之默佑

深矣

...

...

...

...

...

...

...

...

...

季漢五志卷之十一

桓侯世系

涿郡今北直
順天府涿州

女 後主納為后
建興十五年
薨諡曰敬哀

苞 早天

遵 為尚書炎典
元年隨諸葛
瞻於綿竹與
鄧艾戰死之

紹 嗣侯官至侍
中尚書僕射

女 後主續納為
后於咸熙元
年隨遷洛陽

字益德涿

郡人娶夏

侯氏歷官

車騎將軍

封西鄉侯

章武元年

卒年歲失

傳諡曰桓

張飛

桓侯已前

世次失載

遵已後正史
不載無可考

張桓侯年譜

錢塘王復禮纂輯

子丙	申壬	辰戊	子庚
建安元年 守下邳	初平三年	中平五年	漢獻帝中平元年 從先主討黃巾賊
丑丁	酉癸	巳乙	丑乙
建安二年	初平四年	中平六年 從先主起兵討董卓	中平二年
寅戊	戌甲	午庚	寅丙
建安三年 為中郎將	興平元年	漢獻帝初平五年	中平三年
卯巳	亥乙	未辛	卯丁
建安四年 從先主起兵	興平二年	初平二年 乃別部司馬	中平四年

庚辰

建安五年
娶夏侯氏

建安九年

甲申

建安十三年

據水關
破曹操于赤壁

戊子

建安十七年

壬辰

建安二十一年

丙申

建安六年

從先主依劉表

建安十年

建安十四年

建安十八年

破巴郡釋嚴顏

建安二十二年

辛巳

乙酉

巳丑

癸巳

丁酉

建安七年

建安十年

建安十五年

為宜都太守征園
將軍封新亭侯

建安十九年

領巴西太守

建安二十三年

壬午

丙戌

庚寅

甲午

戊戌

建安八年

建安十二年

建安十六年

勒兵截江留後主

建安二十年

破張郃

建安二十四年

為右將軍假節

癸未

丁亥

辛卯

乙未

巳亥

庚子

建安十五年

五

漢昭烈帝章武元年
遷車騎將軍領司
隸校尉封西鄉侯
六月被害諡曰桓

張桓侯傳

國朝

王復禮

張桓侯諱飛字益德涿州人

今北直涿州

少與關羽俱事

昭烈侯雄壯威猛亞于羽羽年長數歲侯兄事之昭

烈與二人寢則同牀食則共器恩若兄弟而稠人廣

坐侍立終日隨昭烈周旋不避艱險中平元年侯從

昭烈討黃巾賊六年從討董卓初平二年昭烈為平

原相以侯為別部司馬統部曲呂布出兵攻昭烈昭

烈奔曹操操益其兵糧使東至沛收散卒以圖布建

安元年袁術攻昭烈留侯守下邳自將拒術于淮陰
布乘虛襲下邳侯遁去三年操助昭烈攻布破之侯
隨昭烈還許四年操表侯爲中郎將頃之操令昭烈
征袁術于徐州董昭曰劉備勇而志大關羽張飛爲
之羽翼恐備之心未可得論也操曰吾已許之矣會
術病死昭烈率侯起兵討操五年侯娶夏侯氏爲妻
霸之從妹也六年侯從昭烈依劉表十三年表卒操
入荊州表子琮舉衆降昭烈奔江南操將精騎五千
追之一日一夜行三百餘里及于當陽之長阪昭烈
聞操卒至與諸葛亮趙雲等數十騎走使侯拒後侯

據水斷橋橫馬按矛瞋目叱之曰我張益德也可來
決死敵無敢近者及操軍東下侯隨昭烈及周瑜等
破操于赤壁先是昭烈奔吳魏軍以爲孫權必殺昭
烈程昱曰權新在位未爲海內所憚曹公初舉荊州
威震江東孫權雖有謀不能獨當也劉備有英名關
羽張飛皆萬人敵權必資之以禦我難又不可得而
殺矣權果多與昭烈兵以拒操十五年昭烈以地少
不足以容衆借荊州于權周瑜上疏曰劉備以梟雄
之姿而有關羽張飛熊虎之將必非久屈爲人用者
愚謂大計宜徙備置吳盛築宮室多美女玩好以娛

其耳目分此二人各置一方。譬如瑜者挾與攻戰。大
事可定也。今猥割土地以資業之。聚此三人俱在疆
場。恐蛟龍得雲雨。終非池中物耳。權不納。及昭烈定
江南。以侯爲宜都太守。征南將軍封新亭侯。十六年
昭烈入益州。權遣舟迎妹孫夫人。欲將子禪還吳。侯
與雲勒兵截江。乃得禪還。十七年。昭烈攻劉璋。魏椽
趙叢聞之曰。備其不濟乎。奔亡不暇。何以圖人。蜀雖
小區險固。四塞獨守之國。卒難并也。徵士傅幹曰。劉
備寬仁有度。能得人死力。諸葛亮達治知變。正而有
謀。而爲之。相國羽張飛勇而有義。而爲之。將此三人

者皆入傑也以備之略三傑佐之何爲不濟也十八
年侯與亮等亦江西上分定郡縣侯破巴郡擒太守
嚴顏因呵之曰大軍至何以不降而敢拒戰顏曰卿
等無狀侵奪我州我州但有斷頭將軍無降將軍也
侯壯而釋之引爲賓客十九年侯與昭烈會于成都
益州旣平以侯領巴西太守賜金五百觔銀千觔錢
五十萬錦千匹二十年操攻張魯陷陽平劉熠言于
操曰劉備人傑也有度而遲得蜀日淺蜀人未附也
今破漢中蜀人震恐其勢自傾以公之神明因其傾
而壓之無不克也若少緩之諸葛亮明于治國而爲

相。關。羽。張。飛。勇。冠。三。軍。而。為。將。蜀。民。既。定。據。險。守。要。
則。不。可。犯。矣。卒。不。取。必。為。後。憂。操。不。從。十。一。月。張。魯。
降。操。留。夏。侯。淵。張。郃。守。漢。川。郃。別。督。諸。軍。下。巴。西。欲。
徙。其。民。于。冀。中。進。軍。宕。渠。蒙。頭。盪。石。與。侯。相。拒。五。十。
餘。日。侯。率。精。卒。萬。餘。人。從。他。道。邀。郃。軍。交。戰。大。破。郃。
郃。棄。馬。緣。山。獨。與。麾下。十。餘。人。從。間。道。退。還。南。郡。巴。
士。獲。安。二。十。四。年。昭。烈。為。漢。中。王。拜。侯。為。右。將。軍。假。
節。詔。元。年。四。月。遷。車。騎。將。軍。領。司。隸。校。尉。開。封。西。
鄉。侯。開。封。後。六。月。先。主。欲。代。吳。命。侯。率。巴。西。兵。萬。餘。自。
出。中。會。江。州。侯。臨。發。為。帳。下。將。張。達。范。疆。所。害。初。昭。

烈嘗戒侯曰。卿鞭撻健兒。而今在左右。此取禍之道也。至是聞侯營都督有表曰。噫。飛死矣。後帝景耀三年。追諡曰桓侯。侯長子苞。早夭。次子紹。嗣侯。官至侍中。尚書僕射。二女皆爲後帝皇后。延熙十二年。魏右將軍夏侯霸來降。後主指子以示之曰。此夏侯氏甥也。厚加爵寵。苞子遵爲尚書。隨諸葛瞻于綿竹。與鄧艾戰死。

王復禮曰。桓侯瀟陵後殿衛先帝也。勒兵截江。保後主也。恩若兄弟。貧賤之交也。締結婚姻。甥舅之好也。然能決勝于千里外。而不能防微於一室中。似文偉。

之疎而乏子龍之慎惜哉。至其孫遵克追前烈以死節。聞過李廣遠矣。書云：尚桓桓如虎，如貔如熊，如罷誠不愧所諡者歟。

冊封

封西鄉侯冊

漢昭烈帝

朕承天序，嗣奉洪業。除殘靖亂，未燭厥理。今寇鹵作害，民被荼毒。思漢之士，延頸鶴望。朕用怛然坐不安席，食不甘味。整軍誥誓，將行天罰。以君忠毅，倖蹤名虎名宣，遐邇故特顯命。高塘進爵，兼司于京。其誕將天威，柔服以德。伐叛以刑，稱朕意焉。詩不云乎：匪疾。

桓侯

六

卷五
十一卷
匡棘王國來極肇敏戎功用錫爾祉可不勉歟

書牘

與張益德書

關壯繆

操之詭計百端非羽智縛安有今日將軍罪羽是不知羽也羽不緣社稷傾危仁兄無儔則以三尺劍報將軍使羽異日無愧于黃壤間也三上益德將軍死罪死罪

與關雲長論益德孟起書

諸葛忠武

孟起兼資文武雄烈過人一世之傑黥彭之徒當與益德並驅爭先猶未及髯之絕倫逸羣也

與劉巴論張益德書

諸葛忠武

益德雖實武人。敬慕足下。主公今方收拾文武以定大事。足下雖天素高亮。宜少降意也。

藝文

祭桓侯文

宋 歐陽修

謹以篋肩卮酒之奠。告于桓侯張將軍之靈。農之爲事亦勞矣。盡筋力。勤歲時。數年之耕。不遇一歲之稔。稔則租賦科斂之。不暇有餘而食。其得幾何。不幸則水旱相枕。爲餓殍。夫豐歲常少。而凶歲常多。今夏麥已登。車與稻之旱者。民皆食之矣。秋又大熟。則庶幾

可以支一二歲之凶荒。歲功將成，曷忍敗之。今晚田秋稼將實而少雨，雨之降者，頻在近郊，山田僻遠，高旱之方，皆未及也。惟神降休，宜均其惠，而終成歲功。神生以忠勇事人，威名震于荆楚，沒食其土民之所宜告也。尚饗。

桓侯祠禱雨文

國朝 張鵬翮

大丈夫生立功勳，垂名竹帛，歿顯靈異，弘濟蒼生，使天下之人尸而祝之，豈非至誠之理，足以貫古今而無間哉。去歲秋旱，禱于祠下，其應如響。今夏雨澤愆期，豆藉已稿，麥苗將枯。春秋無麥，則書誠以交者。

民之所待命也。當此商民交困之時，益以旱魃之虐，
官憂于舍，民號于野。商愁于市，士不安于庠序。望雨
心切，何啻倒懸。尊神血食斯土，禦災捍患，必能惠我
商民。謹遣官以告。惟神代天行化，早賜甘霖，潤原隰
之焦土，甦南畝之枯禾。民生有賴，神庥無疆。

北京涿州張侯廟記

明 陳懿典

漢車騎將軍張侯，專福在蜀。涿州其所生之鄉。州有
廟，舊矣。方侯之從先主起也，間關百戰，艱險周旋，身
臨陣瀕危者幾矣。而卒矣志與復，九死不回。及與諸
將共討董卓，三分鼎建之業，開拓為多。作鎮巴西。

將軍節之。家曹持邊。巡引退。不敢復窺漢川。庶幾哉。
與關。壯。爭烈矣。而侯氣吞吳魏。方勃勃未已。乃
。下兵卒之手。其志鬱而未伸。其精爽必有不
。磨滅者。則侯之有廟。以奔走其鄉之父老子弟。宜
也。然侯非。身烈。茂也。蓋亦有君子之風焉。當捨攘
甲士。皆從。就功名。侯獨依先主。共事。昧孔明
。出而。其上黃馬。後起與並列。壯。猶待費司馬
之。而後釋。然侯則退無後言。又嘗降級而釋嚴顏。
此。維。者所難。而侯獨能之。以勞定國。以死勤事。
。合。祀典音矣。

四川閬中張侯廟記

宋曾鞏

事○常○蔽○於○其○智○之○不○周○而○辨○常○過○於○所○惑○智○足○以○周○
於○事○而○辨○至○於○不○惑○則○理○之○微○妙○皆○足○以○盡○之○今○夫○
推○策○灼○龜○審○於○夢○寐○其○爲○事○至○淺○世○常○尊○而○用○之○未○
之○有○改○也○坊○庸○道○路○馬○蠶○貓○虎○之○靈○其○爲○類○至○細○世○
常○嚴○而○事○之○未○之○有○廢○也○水○旱○之○災○日○月○之○變○與○夫○
兵○師○疾○癘○昆○蟲○鼠○豕○之○害○凡○一○慝○之○作○世○常○有○所○有○
報○未○之○有○止○也○金○滕○之○書○雲○漢○之○詩○其○意○可○謂○至○而○
其○辭○可○謂○盡○矣○夫○精○神○之○極○其○叩○之○無○端○其○測○之○甚○
難○而○尊○而○信○之○知○此○其○備○者○皆○聖○人○之○法○何○也○彼○有○

成於物者存乎自然。世既不得而無。則聖人固不得而廢之。亦理之自然也。聖人者。豈用其聰明哉。善因於理之自然而已。其智足以周於事。而其辨足以不惑。則理之微妙。皆足以盡之也。故古之有爲於天下者。盡己之智而聽於人。盡人之智而聽於神。未有能廢其一也。書曰。朕志先定。詢謀僉同。鬼神其依。龜筮協從。所謂盡己之智而聽於人。盡人之智而聽於神也。繇是觀之。則荀卿之言。以謂雩筮救日。小人以爲神者。以疾夫世之不盡在乎己者。而聽於人。不盡在乎人者。而聽於神。其可也。謂神之爲理者。信然。則過

矣。蔽生於其智之不周而過生於其所惑也。閬州於蜀爲巴西郡。蜀車騎將軍領司隸校尉西鄉張侯名飛字益德嘗守是州。州之東有張侯之家。至今千有餘年而廟祀不廢。每歲大旱禱雨輒應。嘉祐中比數歲連熟。閬人以謂張侯之賜也。乃相與率錢治其廟舍大而新之。侯以智勇爲將。號萬人敵。當蜀之初。與魏將張郃相距於此。能破郃軍以安此土。可謂功施於人矣。其歿也。又能澤而賜之。則其食于閬人。不得而廢也。豈非宜哉。知州事尚書職方員外郎李君獻卿字材叔。以書來曰。爲我書之。材叔好古君子也。乃

爲之書而以予之所聞於古者告之。

樂溫山張侯祠記

宋安剛中

漢自建安以來。皇綱廢弛。神鼎震覆。姦雄觀釁。寔生
彘心。本初孟德之徒。磨牙厲吻。血視生靈。期於吞噬。
不留遺種。先主忱慨爲國。志在授拯。一時豪英。徇義
蜂起。相與提挈。共成大事。諸葛關張。寔爲之最。凜冽
威風。萬夫之雄。荊州之役。羣盜鼎來。公爲後拒。舉力
盡死。以抗羣醜。奮髯張目。橫戈一叱。蛇豕異類。覩魄
逃遁。虞淵之日。覆耀西南。繫公之功。迄今千載。英靈
之氣。森聳如在。廟食百世。在禮固宜。樂溫之山下。暇

大江公之神。實是寓焉。自古迄今。長載祀典。舟行
上下。與茲土民。奔走奉事。敢不虔至。九穀嘉生。連被
原隰。舸楫往返。安流無恙。陰相之功。在國與民。天朝
累封。進爵爲王。惟是廟宇。興建歲久。行廊爛頽。往來
名嗟。力莫能振。郡守李公。向者趨朝。祇謁祠下。再拜
祈禱。厥應如響。至郡未幾。首議修繕。自捐金帛。衆趨
成之。功費雖多。了不病民。撤去卑陋。增飾輪奐。開展
地基。比舊加倍。是役也。議興于庚午之冬。落成于辛
未之春。惟公既有以利其民矣。又有以奉其神。民和
神安。福祿來宜。行將以是賀公。剛中忝吏是役。知之

為詳敢具以記。

廣東張桓侯廟記

國朝尚

建安之末。魏吳雄據鼎峙。英傑並起。各事一姓。而翼戴漢室。卓然大義。終始不渝。以事一君者。則唯漢壽亭侯。桓侯兩人。爾。然今世皆知祀漢壽亭侯。未聞有桓侯者。豈非以武侯之論孟起。謂當與益德並驅爭先。未若髯之絕倫逸羣乎。不知英風傑節。揭然於名義之昭垂。拒魏吳於始炎。扶漢室於將傾。異姓弟昆。竭蹙協力。兩公貞心勞績。並峙千古。未可以優劣論也。余讀史。稱關張俱萬人敵。又先主與二人友善同。

食並寢。未嘗稍有軒輊。逮當陽巴西之役。如斷橋釋
顏諸事。史傳所載甚詳。其出奇制勝。雄視無前。讀之
曄曄紙上。有生氣令人快。至謙抑退讓。崇賢好士。有
當世士大夫所不能爲者。而侯獨能爲之。固知侯非
獨有勇。且有禮。令人敬。又令人畏也。謂侯僅武人。吾
不信也。他不具論。如諸葛兄弟也。各事一主。獨行其
志。侯以疎逖起涿郡。提劍從人。肝膽契洽。無異弟昆。
數年間。身歷百戰。北拒魏。東抗吳。艱難勞瘁。唯知翼
漢室之一人。事雖不竟。侯之功亦偉矣。謂非英風傑
節。揭然於名義之昭垂者。若是乎。粵秀山之麓。舊有

漢壽亭侯廟宇。其西祀侯遺像。年久荒涼。風雨不蔽。余於順治甲午鳩工而構廟之。歲時已踰。總盈頌祀。過廟思敬。心不可已。仍于康熙丁未十月捐資重修。非夫樂施好祀。冀蒙福利也。亦僂世之聞風而起者。敦篤氣誼。真心以事一人。庶幾君臣兄弟朋友之間。可以無愧。且崇賢敬事。咸爲有禮之勇。而盡去其驕倨。媿侮之心。則侯之難兄難弟。並峙千古。又豈可以優劣論哉。

長坂辨

元 吳琦

荆門志云。長坂在當陽東北三十里。三國時曹操追

昭烈及于當陽之長坂。又酈元水經云。沮水東南徑當陽縣地。其故城在東一百四十里。謂之東城。在綠林長坂南。卽桓侯斷橋處也。今襄陽南二百里。至今荆門城。視此正當其東。但道里與元說小差。今荆門道自安平涇陽南走荆門。坂險一百餘里。非長坂歟。而荆門城適在長坂南。其北有三溪會流。溪側有桓侯廟。登東山望之。坂勢陂陀。下屬江陵。琦按長坂荆門志考之甚詳。然元和郡縣志云。當陽縣東南百二十里。有綠林山。漢光武起兵于此。輿地廣記以爲卽當陽之長坂也。曹操追昭烈而桓侯拒之于此。其說

與衆說相應。而荆門續志云：當陽西北三十里，有反流橋。當桓侯據水斷橋之時，其水逆流。今水逆如故。耆宿相傳，自昔指此，以爲長阪之地。此相傳之誤，未足爲據。

張益德辨

國朝

王復禮

張益德之益，陳壽三國志本作益。後人以其名飛，妄改爲翼。遂相沿習，莫知其悞。若以爲翼，義近飛，則所稱德者，又何謂耶？且翼與德不相蒙，而益與德實相合耳。

張桓侯

五古

明

茅元儀

春陵霸天下。貴將半南陽。涿鹿樹羽葆。從者惟一張。
四海雖未一。裂土封西鄉。鄧羌求司隸。千古君克當。
蜀士莫能繼。兼佩丞相章。

張桓侯廟

以下
五律

國朝

方象瑛

昨過桓侯墓。千秋廟食同。休休儒將度。矯矯虎臣風。
不盡三分恨。空餘百戰功。森然見英爽。浩氣滿巴中。

馬跑泉

國朝

鄭日奎

桓侯轉戰處。猶賸馬跑泉。斷碣苔相蝕。遺踪人共傳。
關河綿蜀道。風雨足巴天。緬想英雄氣。臨流一浩然。

涪陵張桓侯廟

以下
七律

宋

張環

天下英雄只豫州。阿瞞不共戴天仇。山河割據三分。國宇宙威名丈八矛。江上祠堂嚴劔珮。人間刁斗見銀鈞。空餘諸葛秦州表。左袒何人復爲劉。

涿州桓侯故里

明石瑤

二水爭流繞郡南。郡城東望五雲寒。風生帝子樓。桑里月射桓侯浴馬潭。古俗多年猶慷慨。廢臺無客更遊談。津頭日日鳴鉦鼓。看盡行塵擁使驂。

過張桓侯故里

五絕

國朝劉德新

解縛拜英雄。將軍國士風。西川安漢鼎。不但臥龍功。

遺蹟

里

桓侯故里在涿州西南十里許。居人盡張氏。立祠奉祀甚謹。其地行人呼爲張飛店。居人稱爲老爺店。

莊

桃莊在涿州西里餘。桓侯生于此。遺址猶存。

水

桃水首受涑水于徐城。合于聖水。始滙范水。城西桃莊以此名。

潭

洗馬潭在涿州西五里。桓侯洗馬處。

飲馬井在桓侯祠前亭以覆之。

湖

張屯湖在石首縣西四十里桓侯屯兵處。

先鋒坡在涿州城外有大碑刻此三字以桓侯也。

山

皂軍山在陝西西鄉縣南五十里桓侯屯軍于此。

張飛山在湖廣當陽縣長坂稍西卽侯斷橋拒曹操處。

城

張飛城有二。一在河南汜水縣西。古嶠關之南。三國時侯拒呂布。因築此城。一在江南壽州正陽鎮東南四里。址存。

臺

播鼓臺在夔州府瞿唐峽外南岸石鼻子。北岸鐵柱。乃舊設關處。關外有桓侯播鼓臺。極高峻。

橋

緜陵橋在湖廣安陸府當陽縣。

雜記

本傳云飛雄壯威猛亞于關羽

劉備有英名關羽張飛皆萬人

敵也

漢書卷之八十五漢立馬勒銘
漢書卷之八十五漢立馬勒銘

宋太親中主涪州祠前掘得三印及佩鈞刀斗上刻
漢書卷之八十五漢立馬勒銘

云此數行有丈八矛勢。

侯嘗書甘露寺三大字立北固山左。

侯初拜新亭侯自命匠鍊赤朱山鐵爲一刀銘曰新亭侯。

屬員

馬齊字承伯爲侯功曹後貢之先帝爲尚書郎以才幹自顯歷官尚書。

宗預字德艷南陽安衆人建安中隨侯入蜀建興初爲丞相主簿屢命至吳修結盟好歷官鎮軍大將軍領兗州刺史賜爵關內侯年七十餘卒。

追封

宋時追封侯爲忠顯王。

元至正庚辰加封侯爲武義忠顯英烈靈惠助順王。

祠墓

張桓侯祠北京涿州有二。一在城東南隅。一在東門月城內。

桓侯廟四川有十一。一在保寧府閬中縣治北。號雄威祠。一在夔州府治。號忠顯王廟。一在巴州治西。號忠義廟。一在廣安州治南二里。一在渠縣治東七里。八濛山上。一在嘉定州治西北大江之濱。一在雲陽縣。

治南一在龍安府治南一在長壽縣治西一在重慶府涪州

桓侯廟湖廣有四一在當陽縣倒流橋一在武昌府城西一在寶慶府治西門下一在沅州東南四里桓侯祠在蒲州城北復安居

桓侯祠許州東古城內侯嘗守此城故立祠以祀

張桓侯墓在四川保寧府治西古閬中地也侯守閬卒蜀人祀之曰土主明弘治中典膳黎重修墓祠立石有記

明三才一世人蜀記云雲陽自古雲安也隔江有葭桓

侯廟。先是漁人洪穆二家。得桓侯首以塑土像腹中。像故復也。二家卽食廟中土爲祝。今其子孫尚存。

季漢五志卷之十二

順平侯世系

統 嗣侯官至虎賁
中郎督行領軍

常山真定解今北
直真定府真定縣

字子龍常山

真定人官鎮

趙雲

東將軍封永

昌亭侯建興

七年卒年歲

失傳諡順平

廣 牙門將隨姜維
沓中臨陣戰死

順平已前
湮次失載

統廣已後史
不載無可考

趙順平侯年譜

錢塘王復禮纂輯

未 辛
漢獻帝初平二年
 臨先主至平原為
 主騎兵尋以兄
 辭歸

興平二年

亥 乙

建安四年

卯 巳

建安八年

未 癸

申 壬

初平三年

建安元年

子 丙

建安五年

見先主於鄴

辰 庚

建安九年

申 甲

酉 癸

初平四年

建安二年

丑 丁

建安六年

從先主依劉表

巳 辛

建安十年

酉 乙

戌 甲

興平元年

建安三年

寅 戊

建安七年

午 壬

興平元年

戌 丙

卯 癸	亥 巳	未 乙	卯 辛	亥 丁
漢後帝建興元年 爲中護軍征南將軍討永昌侯純	建安二十四年 大破操兵軍中號爲虎牙將軍	建安二十年	建安十五年 領留營司馬勒兵斷江留後主	建安十一年
辰 甲	子 庚	申 丙	辰 壬	子 戊
建興二年	建安二十五年	建安二十一年	建安十七年 長阪救後主護甘后濟沔被曹操於赤壁遷牙門將軍	建安十三年
巳 乙	丑 辛	酉 丁	巳 癸	丑 巳
建興三年	漢昭烈帝章武元年 督江州	建安二十二年	建安十八年 定江陽拜翊軍將軍	建安十四年
午 丙	寅 壬	戌 戊	午 甲	寅 庚
建興四年	章武二年	建安二十三年	建安十九年	建安十五年 爲偏將軍領桂陽太守

順平

十一卷二

丁未
建興五年
駐漢中

戊申
建興六年
據箕谷

巴西
建興七年
病卒諡曰順平

趙順平侯傳

國朝 王復禮

趙順平侯諱雲字子龍常山真定人今北直真定縣身長八尺姿顏雄偉初平二年為本郡所舉將兵詣公孫瓚瓚曰聞貴州人皆願袁氏君何獨逃而能反侯曰天下訥訥未知孰是民有倒懸之厄鄙州論議從仁政所在不為忽袁公私明將軍也將昭烈依瓚見而奇之深加結納侯遂從昭烈至平原為主騎兵尋以兄喪辭歸昭烈恐其不還捉手而別侯曰終不肯德也

建安五年。昭烈就袁紹。侯見于鄴。昭烈與侯同席共
臥。密遣侯合募得數百人。皆稱劉將軍部曲。紹不能
知。昭烈陰欲離紹。乃說紹連劉表。使糜竺與表相聞。
表郊迎先主。侯因隨往。十三年。操至荊州。昭烈南遁。
有人言侯已北去者。昭烈以手戟摘之曰。子龍不我
棄也。未幾侯至。昭烈爲操所追。于當陽長阪棄妻子
走。侯身抱幼主禪。并護甘夫人。相及濟沔。得脫于難。
及操軍東下。侯隨昭烈。及周瑜等破操于赤壁。昭烈
遷侯爲牙門將軍。十五年。昭烈定江南。以侯爲偏將
事。領桂陽太守。代趙範。範寡嫂樊氏有國色。範欲以

配侯。侯曰：相與同姓，卿兄猶我兄也。固辭不允。或有
勸侯納者，侯曰：範，迫降耳，心未可測。天下女不少，卒
不取，頭之。範果逃去。侯無纖芥。侯嘗與夏侯惇戰于
博望，生獲夏侯蘭。蘭與侯同里閭，少小相知。侯因白
昭烈，活之，并薦蘭明于法律，以爲軍正，不用。自近其
慎慮，類如此。十六年，昭烈入蜀，侯領留營司馬。先是
孫夫人以權妹驕豪，多將吳吏兵，縱橫不法。昭烈以
侯嚴重，必能整齊，特任掌內事，權聞昭烈西征，遣弟
迎妹。夫人欲以子禪歸吳，亮使侯勒兵斷江，留禪乃
得止。十八年，昭烈攻劉璋，名亮亮率衆將兵沂漢水。

遣侯從外水定江陽。與亮會于成都。益州既定。拜
翊軍將軍。時議欲以成都中外園地桑田。分賜諸將。
侯駁之曰。霍去病以邊寇未滅。無用家爲。今國賊非
但邊寇。未可求安也。須天下都定。各反桑梓。歸耕本
土。乃其宜耳。况益州人民。初罹兵革。田宅皆嘗歸還。
令安居復業。得其歡心。乃可役調。昭烈從之。二十四
年。操與昭烈爭漢中地。運米數千囊于北山下。黃忠
以爲可取。侯兵隨忠取米。過期不還。侯將數十騎迎
忠。值操揚兵大出。侯前突其陣。且鬪且却。操兵追至。
而侯入營。開門偃旗息鼓。操疑侯有伏。引去。侯搥鼓。

震天以勁弩後射操兵自相蹂踐墮漢水死者甚衆。昭烈明旦自來觀昨戰處曰子龍一身都是膽也。作樂飲宴至暝軍中號侯爲虎威將軍。章武元年昭烈以羽故討吳侯諫曰國賊曹操非孫權也。若先滅魏則吳自服。今操雖斃子丕篡位當因衆心公憤早圖關中居河渭上流以討凶逆。關東義士必裹糧策馬以迎王師不應寘魏先與吳戰。且兵勢一交不得卒解非良策也。昭烈不從。遂東征。留侯督江州。昭烈失利于秭歸。侯進兵至永安。吳軍已退。後帝建興元年以侯爲中護軍征南將軍。封永昌亭侯。遷鎮東將軍。

五年。隨亮駐漢中。六年。亮伐魏。揚聲由斜谷道。取郿。使侯與鄧芝爲疑軍。據箕谷。曹真舉衆拒之。侯兵弱。敵強。失利。然斂衆固守。不至大潰。軍退。亮問芝曰。街亭之敗。兵將不復相錄。箕谷軍退。兵將初不相失。何也。芝曰。雲身白。斷後。軍資什物。略無所棄。不但兵將不相失也。時侯有軍資餘絹。亮使分賜將士。侯曰。軍事無利。何爲有賜。請入赤岸府庫。須十月爲冬。賜亮大善。七年。侯病卒。景耀四年。追諡侯曰順平侯。長子統嗣侯。官至虎賁中郎將。督行領軍。次子廣。牙門將。隨姜維沓中。臨陣戰死。

王復禮曰。順平真儒將哉。其律已也嚴。其接人也慎。其見理也明。其去私也力。若夫當陽救主。奮不顧身。漢水立功。威還似虎。語云。膽欲大而心欲小。志欲圓而行欲方。其順平之謂乎。

開封

諡順平侯冊

漢後帝

雲昔從先帝。功績既著。朕以幼冲。涉塗艱難。賴特忠順。濟于危險。夫諡所以敘元勳也。外議雲宜諡大將軍。姜維等議以爲雲經營天下。遵奉法度。功效可著。當陽之役。義買金石。忠以衛上。君念其賞。禮以厚下。

臣忘其死。死者有知。足以不朽。生者感恩。足以殞身。謹按諡法。柔賢慈惠曰順。執事有班曰平。克定禍亂曰平。應諡雲曰順平。

書續

與兄瑾論趙子龍書

諸葛忠武

前趙子龍退軍。燒壞赤岸以北閣道。緣谷一百餘里。其閣梁一頭入山腹。其一頭立柱于水中。今水大而急。不得安住。此其窮極。不可彊也。

又書

諸葛忠武

頃大水暴出。赤岸以南橋閣悉壞。時趙子龍與鄧伯

一戍赤岸屯田一戍赤岸口但得緣岸與伯苗相

關而巳

藝文

吳山祭順平侯文

國朝

王復禮

維順平侯勇蓋當世通身是膽護后救主嚴重整齊
特任內事初定江南繼平蜀地不近夏家不娶樊氏
慮周詳超飛軼帝田令歸民緝為冬賜匪僅虎威
頗饒經濟諫止伐吳忠言逆耳其谷雖空軍資無棄
雄偉非常賢慈孰比全體將軍任侯而已南陽柱石
蔡州守禦各有專祠遙隔千里篇考羣書無文以祭

爰作是辭敬告五義。蓋峯巍巍。浙江瀾瀾。神之格思。幽明一理。

趙順平侯祠記

有詩

國朝

王復禮

吾聞諸夫子曰。暴虎馮河。死而無悔者。吾不與也。必也。臨事而懼。好謀而成者也。由是觀之。從來勇者。未必兼知。而知者。又未必能勇。理固然矣。若夫以知濟其勇。以勇副其知。而知勇克全者。于季漢諸臣中。求之。惟順平侯。其庶幾焉。侯姓趙氏。諱雲。字子龍。常山真定人。其生平出處。載在國史。無俟予言。獨其隨昭烈。至荊州。爲曹操所追。乃于當陽長阪。護后救主。博

望之戰生獲夏侯。大開管門。偃旗息鼓。戎弩後射。賊傷甚多。軍中號爲虎威。昭烈壯其膽氣。是其勇也。初投公孫瓚。而私結昭烈。降趙範。而不納其娶。薦夏侯不用。自近。奪後主勒兵截江。至若倡議歸還蜀民田宅。力諫伐吳難平。緝帛以作冬賜。是其知也。則侯之爲將。寧易及哉。予修侯志。致書真定縣佐王允吉。令其訪覓故鄉遺蹟。了不可得。惟郡治南門外城有三義廟。門外有漢順平侯故里一碑而已。餘無知者。嗚呼。稽之于禮。有道有德。于教于學者。死則爲樂祖。祭于宗。鄉先生歿。則祭于社。今順平崎嶇跋涉。載其

主于草昧。力扶帝胄。翊贊皇猷。善始善終。知勇兼備。而故鄉無一席之地。爲之專祠。誠缺典也。徧考通志。侯祠有三。一在河南南陽治南三十里屯東。一在四川黎州大渡河守禦所。一在湖廣桂陽芙蓉山下。有祠而無記。不知其所創始。至其墓則在南陽府城南。省郡諸志皆同。殊可疑耳。夫侯卒于建興七年。其時蜀尚無恙也。南陽之地。曹氏之所竊據也。胡爲葬此哉。予作是記。蓋補斯志之闕。并以表侯之足傳千古者。其知與勇爲卓絕也。復繫之以詩曰。天爲季漢生將軍。姿顏雄偉迥絕倫。終不肯德歸故

君經營籌畫武兼文。一身是膽立奇勳。初平江南後蜀。眠欲掃僭竊清妖氛。吁嗟天意限三分。致令侯志未盡伸。在昔追諡慰元臣。柔賢慈惠彰令聞。克定禍亂表辛勤。不徒當日榮恩綸。千秋萬載流芳芬。

趙順平陳叔至合贊

漢揚戲

征南厚重征西忠克。統時選士猛將之烈。

趙順平論

明徐奮鵬

嘗觀元德與孔明出遣調諸將也。遇事勢旁午。安危髮繫之際。時以命趙子龍。子龍不惟無首鼠退縮意。而往往挺身一出。卽盤根錯節。見其器愈利而動以。

成功。執當陽之戰。骨肉仳離。元德幾無生路。子龍奮
突重圍。血漬征袍。卒保其弱妻幼子。還之元德。元德
曰。子龍一身都是膽。夫子龍未曾指皇天后土。如關
張之共誓。生死者也。乃當流離顛沛。一心不二。氣義
激揚。如金如石。故子龍不特渾身是膽。殆渾身是忠。
且雲長益德以忠義佐主。不能料敵而受敵之制。不
能料下而受下之欺。子龍獨出萬死。于干戈鋒鏑之
下。而卒以牖下全歸焉。故子龍不特渾身是膽。殆渾
身是智。爲三分之完人歟。

順平論辨

國朝

王復禮

陳承祚。國志云。建興七年雲卒。追諡曰順平。而武
侯後出師表云。臣自到漢中。中間期年耳。然喪趙雲
陽羣。馬玉。關芝。丁立。白壽。劉郃。鄧銅等。及曲長屯將
七十餘人。突將無前據表。則順平之卒。當在六年矣。
二說不同。如此。豈此表出張儼默記。或有誤耶。抑承
祚失考。傳寫之訛。即年遠無他書可証。為之一慨。

趙順平

以下
五古

明
茅元儀

不忍提手別。復此同牀眠。子龍不棄我。鞍摘安足憐。
益州勿復反。不奪成都田。餘絹作冬賜。識在丞相前。
樊姬雖國色。安得相周旋。

題趙順平馬超黃忠

明 顧正誼

昭烈神武君。豪傑歸心久。名將會如雲。遭逢應不偶。
孟起來成都。劉璋隨稽首。漢升斬淵頭。一戰平隴右。
子龍負膽氣。險難恆相守。弱子猶護持。肯棄君王走。
凜哉三將軍。義勇並超羣。藉令四海一。豈減雲臺勛。
英雄各有所用之。則爲虎。但酬知己心。何必期茅土。
遺蹟

阪

長阪在湖廣當陽縣北一百里。順平身抱幼主。保護
甘夫人免難處。

谷

箕谷在陝西褒城縣北十五里。箕山下。山有秦王獵池。及洧水。道人谷。順平與鄧芝據其地。卽此。

府

鎮東將軍府在成都西城。今爲藩司衙署。尚有極厚牆基。土人云是其遺蹟。

雜記

儀表

順平別傳云。雲身長八尺。姿顏雄偉。

別傳又云。先主入益州。雲領留營司馬。此時先主孫

夫人。以權妹驕豪。多將吳吏兵。縱橫不法。先主以雲
嚴重。必能整齊。特任掌內事。

陳壽評云。黃忠趙雲。疆犖壯猛。並作爪牙。其灌滕之
徒歟。

祠墓

趙順平侯祠。河南南陽縣南三十里屯東。

趙順平侯祠。四川黎州大渡河守禦所。安靖壩左。

護英祠。湖廣桂陽州城外芙蓉山下。祀漢將趙順平。

趙順平侯墓。河南南陽府城南三十里。